

ՄԱՐԿՈՍԻ ԱՒԵՏԱՐԱՆԸ

ՅԻՒՈՒՍ ՔՐԻՍՏՈՒԻ ԱՒԵՏԱՐԱՆԸ ՄԱՐԿՈՍԻ ՀԱՄԱՁԱՅՆ

## ՄԱՐԿՈՍԻ ԱԻԵՏԱՐԱՆԸ

### ՅՈՎՀԱՆՆԵՍ ՄԿՐՏԻՉԻՆ ՔԱՐՈԶՈՒԹԻՒՆԸ

(Մատթ. 3. 1-12: Ղուկ. 3. 1-18: Յովհ. 1. 19-28)

1

Աստուծոյ Որդիին՝ Յիսուս Քրիստոսի աւետարանին սկիզբը: **2** Ինչպէս «Մարգարէներուն մէջ գրուած է. «Ահա՛ ես կը ղրկեմ իմ պատգամաւորս քու բառցեւէդ. ան պիտի պատրաստէ ճամբաղ՝ քու առցեւդ»: **3** «Անապատին մէջ գոշողին ձայնը. «Պատրաստեցէք Տէրոց ճամբան, շտկեցէք անոր շակիղները»: **4** Յովհաննէս կը մկրտէր անապատին մէջ եւ կը քարոզէր ապաշխարութեան մկրտութիւնը՝ մեղքերու ներումին համար: **5** Ամբողջ Հրէաստանի երկիրը ու բոլոր երուսաղեմացիները կ'երթային անոր: Բոլորը կը մկրտուէին անկէ Յորդանան գետին մէջ՝ իրենց մեղքերը խոստովանելով: **6** Յովհաննէս հագած էր ուղտի մազէ հագուստ, եւ իր մէջքը կապած էր կաշիէ գոտի. իր կերակուրը մարախ ու վայրի մեղր էր: **7** ԱՅ կը քարոզէր ու կ'ըսէր. «Ինձմէ հզօրը կու գայ իմ ետեւէս: Ես արժանի չեմ ծոելու եւ անոր կօշիկներուն կապերը քակելու: **8** Արդարեւ ես ջուրով մկրտեցի ձեզ, բայց ան Սուրբ Հոգիով պիտի մկրտէ ձեզ»:

### ՅԻՍՈՒՍԻ ՄԿՐՏՈՒԹԻՒՆԸ ԵՒ ՓՈՐՉՈՒԹԻՒՆԸ

(Մատթ. 3. 13-4. 11: Ղուկ. 3. 21-22, 4. 1-13)

**9** Այդ օրերը Յիսուս Գալիեայի Նազարէթէն եկաւ, ու Յովհաննէսէ մկրտուեցաւ Յորդանանի մէջ: **10** Իսկոյն ջուրէն դուրս ելլելով՝ տեսաւ երկինքը բացուած, եւ Հոգին՝ որ աղաւանիի պէս կ'իշնէր իր վրայ. **11** ու ձայն մը եկաւ երկինքէն՝ որ կ'ըսէր. «Դուն ես իմ սիրելի Որդիս՝ որուն հաճեցայ»:

**12** Իսկոյն Հոգին անապատը մղեց զայն: **13** Քառասուն օր հոն էր՝ անապատին մէջ՝ Սատանայէն փորձուած. գազաններու հետ էր, եւ հրեշտակները կը սպասարկէին իրեն:

### ՅԻՍՈՒՍ ԿԸ ԿԱՆՉԵ ՉՈՐՍ ԶԿՆՈՐՍՆԵՐ

(Մատթ. 4. 12-22: Ղուկ. 4. 14-15, 5. 1-11)

**14** Յովհաննէսի մատնուելէն ետք Յիսուս՝ Գալիեա գալով՝ Աստուծոյ արքայութեան աւետարանը կը քարոզէր **15** ու կ'ըսէր. «Ժամանակը լրացած է, եւ Աստուծոյ թագաւորութիւնը մօտեցած է. ապաշխարեցէք, ու հաւատացէք աւետարանին»:

**16** Երբ Գալիեայի ծովուն եզերը կը քալէր, տեսաւ Սիմոնը եւ Սիմոնի եղբայրը՝ Անդրէասը, ծովը ուռկան նետած, որովհետեւ ձկնորս էին: **17** Յիսուս ըսաւ անոնց. «Եկէք իմ ետեւէս, ու մարդո՞ց որսորդ պիտի ընեմ ձեզ»: **18** Անոնք ալ իսկոյն թողուցին իրենց ուռկանները եւ հետեւեցան անոր: **19** Անկէ քիչ մը յառաջ երթալով՝ տեսաւ Զեբեդեան Յակոբոսն ու անոր եղբայրը՝ Յովհաննէսը, որոնք նաւուն մէջ կը կարկտնէին իրենց

<sup>ա</sup> Այսիցը <sup>բ</sup> Մարգարէներու գիրքին

<sup>բ</sup> Յուն.՝ երեսիդ առցեւէն

<sup>գ</sup> Յուն.՝ դուրս հանեց

<sup>դ</sup> Յուն.՝ ձկնորս

## ՄԱՐԿՈՍԻ ԱԻԵՏԱՐԱՆԸ

ուռկանները: **20** Իսկոյն կանչեց զանոնք. անոնք ալ գացին անոր ետեւէն, նաւուն մէջ ձգելով իրենց հայրը՝ Ձերեդէոսը վարձկաններուն հետ:

### ԱՆՄԱՔՈՒՐ ՈԳԻՈՎ ՄԱՐԴ ՄԸ (Ղուկ. 4. 31-37)

**21** Մտան Կափառնայում, եւ իսկոյն Շաբաթ օրը ժողովարանը մտնելով՝ կը սորվեցնէր: **22** Անոնք կ'ապշէին անոր ուսուցումին վրայ, որովհետեւ անոնց կը սորվեցնէր իշխանութիւն ունեցողի մը պէս, ո՞չ թէ դպիրներուն պէս: **23** Անոնց ժողովարանին մէջ մարդ մը կար՝ անմաքուր ոգիով: Ան աղաղակեց. **24** «Թո՞ղ մեզ, դուն ի՞նչ ունիս մեզի հետ, Յիսուս Նազովրեցի. Միթէ մեզ կորսնցնելո՞ւ եկար: Գիտեմ թէ ո՞վ ես՝ Աստուծոյ Սուրբը»: **25** Յիսուս զայն սաստեց՝ ըսելով. «Պապանձէ՛ ու ելի՞ր ատկէ»: **26** Անմաքուր ոգին սաստիկ ցնցեց զայն, բարձրաձայն աղաղակեց եւ ելաւ անկէ: **27** Բոլորը այլայլեցան, այնքան՝ որ կը հարցնէին իրարու. «Այս ի՞նչ է. ի՞նչ նոր ուսուցում է ասիկա, որովհետեւ անմաքուր ոգիներուն ալ կը հրամայէ իշխանութեամբ, ու կը հնազանդին իրեն»: **28** Եւ իսկոյն իր համբաւը տարածուեցաւ Գալիլեայի ամբողջ շրջակայքը:

### ՅԻՍՈՒՍ ԿԸ ԲՈՒԺԷ ԾԱՏԵՐ (Մատթ. 8. 14-17: Ղուկ. 4. 38-42)

**29** Իսկոյն ժողովարանէն ելլելով՝ Յակոբոսի ու Յովհաննէսի հետ մտաւ Սիմոնի եւ Անդրէասի տունը: **30** Սիմոնի զոքանչը պառկած էր՝ տեսողով **հիւանդացած**. իսկոյն անոր մասին ըսին իրեն: **31** Յիսուս մօտեցաւ, բոնեց անոր ձեռքէն ու ոտքի հանեց զայն. իսկոյն տեսնդը թողուց զայն, եւ կը սպասարկէր անոնց:

**32** Երբ իրիկուն եղաւ, արեւին մայր մտած ատենը՝ բոլոր ախտաւորներն ու դիւահարները իրեն կը բերէին: **33** Ամբողջ քաղաքը դուռը հաւաքուած էր: **34** Շատ հիւանդներ՝ զանազան ախտերէ բուժեց, եւ շատ դեւեր դուրս հանեց: Դեւերուն թոյլ չէր տար որ խօսին, որովհետեւ կը ճանչնային զինք:

### ՅԻՍՈՒՍ ԿԸ ՔԱՐՈՁԷ ԳԱԼԻԼԵԱՅԻ ՄԷՋ (Ղուկ. 4. 43-45)

**35** Առտուն՝ արշալոյսէն շատ առաջ՝ կանգնեցաւ, դուրս ելաւ, գնաց ամայի տեղ մը, ու հոն աղօթեց: **36** Սիմոն եւ իրեն հետ եղողները հետապնդեցին զայն: **37** Երբ գտան զայն՝ ըսին անոր. «Բոլորը կը փնտոեն քեզ»: **38** Ըսաւ անոնց. «Եկէ՛ երթանք մերձակայ գիւղաքաղաքները, որպէսզի հոն ալ քարոզեմ, որովհետեւ եկած եմ այս նպատակով»: **39** Եւ անոնց ժողովարաններուն մէջ կը քարոզէր՝ ամբողջ Գալիլեայի մէջ, ու դեւեր կը հանէր:

### ՅԻՍՈՒՍ ԿԸ ՄԱՔՐԷ ԲՈՐՈՏ (Մատթ. 8. 1-4: Ղուկ. 5. 12-16)

**40** Բորոտ մըն ալ եկաւ. կ'աղազէր, կը ծնրադրէր ու կ'ըսէր անոր. «Եթէ ուզես՝ կրնա՞ն զիս մաքրել»: **41** Յիսուս գթալով՝ երկարեց ձեռքը, դպաւ անոր եւ ըսաւ. «Կ'ուզե՞մ, մաքրուէ՛»: **42** Երբ **ասիկա** ըսաւ անոր, իսկոյն բորոտութիւնը գնաց անկէ, ու մաքրուեցաւ:

## ՄԱՐԿՈՍԻ ԱԻԵՏԱՐԱՆԸ

**43** Իսկ ինք ազդարարեց անոր եւ իսկոյն ուղարկեց՝ ըսելով անոր. **44** «Զգուշացի՛ր որ ո՛չ մէկուն բան մը ըսես. հապա գնա՛, ցո՛յց տուր քեզ քահանային, ու մատուցանէ՛ քու մաքրուելուդ քնծան» որ Մովսէս պատուիրեց, իբր վկայութիւն անոնց»: **45** Բայց ան դուրս ելլելով՝ սկսաւ շատ հրապարակել եւ բանք տարածել, այնպէս որ ա՛լ ինք չէր կրնար բացայայտօրէն քաղաք մը մտնել, հապա դուրսը՝ ամայի տեղեր էր. սակայն ամէն կողմէ կու գային իրեն:

### ՅԻՍՈՒՍ ԿԸ ԲՈՒԺԵ ԱՆԴԱՍԱԼՈՅԾ ՄԸ (Մատթ. 9. 1-8: Ղուկ. 5. 17-26)

## 2

Դարձեալ Կափառնայում մտաւ քանի մը օր ետք, եւ լսուեցաւ թէ ան տան մը մէջ է: **2** Իսկոյն շատ մարդիկ հաւաքուեցան, այնքան՝ որ ա՛լ տեղ չկար, ո՛չ իսկ դրան շուրջ, ու կը քարոզէր անոնց Աստուծոյ խօսքը: **3** **Մարդիկ** եկան իրեն՝ բերելով չորս հոգիով շփոխադրուած անդամալոյժ մը. **4** բայց տեսնելով որ բազմութենէն չէին կրնար մօտենալ անոր, քակեցին տաճ տաճիքը՝ ուր կը գտնուէր Յիսուս, ու ծակ մը բանալով՝ վար իշեցուցին մահիճը, որուն վրայ պառկած էր անդամալոյժը: **5** Յիսուս տեսնելով անոնց հաւատքը՝ ըսաւ անդամալոյժին. «Որդեա՛կ, մեղքերդ ներուած են քեզի»: **6** Բանի մը դպիրներ, որ հոն նստած էին, իրենց սիրտերուն մէջ կը մտածէին. **7** «Ինչո՞ւ այս մարդը կ'ըսէ այսպիսի հայրոյութիւններ. ո՞վ կրնայ մեղքերը ներել՝ բացի Աստուծմէ»: **8** Յիսուս իսկոյն ըմբռնելով իր հոգիին մէջ՝ որ անոնք այդպէս կը մտածեն իրենք իրենց մէջ, ըսաւ անոնց. «Ինչո՞ւ այդպէս կը մտածէք ձեր սիրտերուն մէջ: **9** Ո՞րը աւելի դիւրին է, “մեղքերդ ներուած են քեզի” ըսելը անդամալոյժին, թէ՝ “**Պոտքի**” ելիր, ա՛ն մահիճդ ու քալէ ըսելը: **10** Բայց որպէսզի գիտնաք թէ մարդու Որդին իշխանութիւն ունի երկոր վրայ մեղքերը ներելու, (ըսաւ անդամալոյժին.) **11** “**Քեզի**” կ'ըսեմ. “**Պոտքի**” ելիր, ա՛ն մահիճդ ու գնա՛ տունդ”»: **12** Ան ալ իսկոյն **Պոտքի** ելաւ, եւ առնելով **իր** մահիճը՝ դուրս ելաւ բոլորին առցեւէն, այնպէս որ բոլորը զմայեցան, փառաբանեցին Աստուծ ու ըսին. «Այսպիսի բան ամենեւին տեսած չէինք»:

### ՅԻՍՈՒՍ ԿԸ ԿԱՆՉԵ ՂԵՒԻՆ (Մատթ. 9. 9-13: Ղուկ. 5. 27-32)

**13** Դարձեալ գնաց ծովեզերք: Ամբողջ բազմութիւնը իրեն կու գար, եւ անոնց կը սորվեցնէր: **14** Երբ կ’անցնէր՝ տեսաւ Ղեւի Ալփէոսեանը, որ մաքս ընդունելու տեղը նստած էր, եւ ըսաւ անոր. «Հետեւէ՛ ինծի»: Ան ալ կանգնեցաւ ու հետեւեցաւ իրեն: **15** Երբ սեղան նստած “ էր անոր տան մէջ, շատ մաքսաւորներ ու մեղաւորներ ալ սեղան նստած էին Յիսուսի եւ անոր աշակերտներուն հետ. որովհետեւ շատե՛ր կը հետեւէին անոր: **16** Երբ դպիրներն ու Փարիսեցիները տեսան թէ ան կ’ուտէ մաքսաւորներու եւ մեղաւորներու հետ, ըսին անոր աշակերտներուն. «Ինչո՞ւ կ’ուտէ ու կը խմէ մաքսաւորներու եւ մեղաւորներու

<sup>ա</sup> **Յուն.**՝ վերցուած

<sup>բ</sup> **Յուն.**՝ բայց միայն Աստուծ

<sup>գ</sup> **Յուն.**՝ ընկողմանած

## ՄԱՐԿՈՍԻ ԱՒԵՏԱՐԱՆԸ

հետ»: 17 Երբ Յիսուս լսեց՝ ըսաւ անոնց. «Ո՛չ թէ առողջներուն բժիշկ պէտք է, հապա՝ հիւանդներուն: Ես եկայ ո՛չ թէ արդարները կանչելու, հապա՝ մեղաւորները»:

### ԾՈՄԱՊԱՀՈՒԹԵԱՆ ՀԱՐՑԸ (Մատթ. 9. 14-17: Ղուկ. 5. 33-39)

18 Յովհաննէսի ու Փարիսեցիներուն աշակերտները ծոմ կը պահէին: Ուստի եկան եւ ըսին անոր. «Ինչո՞ւ Յովհաննէսի ու Փարիսեցիներուն աշակերտները ծոմ կը պահեն, բայց քու աշակերտներդ ծոմ չեն պահեր»: 19 Յիսուս ըսաւ անոնց. «Միթէ կարելի՞ է՝ որ եհարսնեւորները ծոմ պահեն, մինչ փեսան իրենց հետ է: Այնքան ատեն որ փեսան իրենց հետ է՝ կարելի չէ որ ծոմ պահեն: 20 Բայց օրերը պիտի գան՝ երբ փեսան պիտի վերցուի իրենցմէ. ապա ա՛յդ օրը ծոմ պիտի պահեն: 21 Ո՛չ մէկը կը կարէ նոր լաթի կտոր մը հին հանդերձի վրայ. որովհետեւ այդ նորը՝ որ անոր լրութեան համար դրուած է, կը քաշէ հինը, ու պատռուածքը աւելի գէշ կ'ըլլայ: 22 Ո՛չ ալ մէկը կը դնէ նոր գինին հին տիկերու մէջ. քանի որ նոր գինին կը պատռէ տիկերը, գինին կը թափի, եւ տիկերը կը կորսուին: Հապա նոր գինին դրուելու է նոր տիկերու մէջ»:

### ԾԱԲԱԹ ՕՐՈՒԱՆ ՀԱՐՑԸ (Մատթ. 12. 1-8: Ղուկ. 6. 1-5)

23 Շաբաթ օր մը ինք կ'անցնէր արտերու մէջէն, եւ իր աշակերտները՝ մինչ կ'երթային՝ սկսան ցորենի հասկեր փրցնել: 24 Փարիսեցիները ըսին իրեն. «Նայէ՛, ի՞նչ կ'ընեն Շաբաթ օրը, որ արտօնուած չէ»: 25 Ինք ալ ըսաւ անոնց. «Բնաւ չէ՞ք կարդացեր Դաւիթի ըրածը՝ երբ պէտք ունեցաւ եւ անօթեցաւ, ինք ու իրեն հետ եղողները: 26 Ի՞նչպէս մտաւ Աստուծոյ տունը՝ Աբիաթար քահանայապետին օրով, եւ կերաւ առաջադրութեան հացերը, – որ ո՛չ մէկուն արտօնուած էր ուտել՝ բացի քահանաներէն, – ու տուաւ իրեն հետ եղողներուն»: 27 Եւ աւելցուց. «Շաբաթը եղաւ մարդուն համար, ո՛չ թէ մարդը՝ Շաբաթին համար: 28 Հետեւաբար մարդու Որդին տէրն է նաեւ Շաբաթին»:

### ՉՈՐՑԱԾ ԶԵՌԵՈՎ ՄԱՐԴԸ (Մատթ. 12. 9-14: Ղուկ. 6. 6-11)

## 3

Դարձեալ ժողովարանը մտաւ, ուր մարդ մը կար՝ որուն ձեռքը չորցած էր: 2 Անոնք կը հսկէին անոր վրայ՝ **տեսնելու** թէ արդեօք պիտի բուժէ՛ զայն Շաբաթ օրը, որպէսզի ամբաստաննեն գինք: 3 Ինք ալ ըսաւ ձեռքը չորցած մարդուն. «Ելի՛ր, կայաէ՛ մէջտեղը»: 4 Յետոյ ըսաւ անոնց. «Շաբաթ օրը բարի՞ք ընել արտօնուած է՝ թէ չարիք ընել, անձ մը փրկե՞լ՝ թէ սպաննել»: Անոնք լուռ կեցան: 5 Յիսուս բարկութեամբ շուրջը նայեցաւ՝ անոնց վրայ, տրտմելով անոնց սիրտին կուրութեան համար, ապա ըսաւ **այդ** մարդուն. «Երկարէ՛ ձեռքդ»: Ան ալ երկարեց, եւ անոր ձեռքը **առողջացաւ**: 6 Փարիսեցիները՝

<sup>a</sup> Ոմանք կ'աւելցնեն՝ ապաշխարութեան

<sup>b</sup> Յուն.՝ հարսանեկան սրահին որդիները

<sup>c</sup> Ոմանք՝ առողջացաւ միւսին պէս

## ՄԱՐԿՈՍԻ ԱԻԵՏԱՐԱՆԸ

իսկոյն դուրս ելլելով Հերովդէսեաններուն հետ՝ խորհրդակցեցան անոր դէմ, թէ ի՞նչպէս կորսնցնեն զայն:

### ԲԱԶՄՈՒԹԻՒՆ ԼԻԾԻՆ ՁՈՎ

7 Յիսուս իր աշակերտներուն հետ մեկնեցաւ ծովեգերքը, ու մեծ բազմութիւն մը հետեւցաւ անոր՝ Գալիլեայէն եւ Հրէաստանէն, 8 Երուսաղէմէն, Եղովմէն ու Յորդանանի միւս կողմէն. նաեւ անոնք՝ որ Տիլոսի եւ Սիդոնի շրջակայ տեղերէն էին, մեծ բազմութեամբ, երբ լսեցին ինչ որ կ'ընէր՝ եկան իրեն: 9 Յիսուս ըսաւ իր աշակերտներուն որ նաւակ մը տրամադրուի իրեն՝ բազմութեան պատճառով, որպէսզի չսեղմեն զինք: 10 Որովհետեւ բուժեց շատերը, այնպէս որ տանջանք ունեցողներ կը խոնուէին շուրջը՝ որպէսզի դպշին իրեն: 11 Երբ անմաքուր ոգիները տեսնէին զինք, կ'իյնային իր առջեւ ու կ'աղաղակէին. 12 «Դուն ես Աստուծոյ Որդին»: Իսկ ինք սաստիկ կը հրահանգէր անոնց՝ որ չյայտնեն զինք:

### ՅԻՍՈՒՍ Կ'ԸՆՏՐԵ ՏԱԱՆԵՐԿՈՒ ԱՌԱՋԵԱԼՆԵՐԸ

(Մատթ. 10. 1-4: Ղուկ. 6. 12-16)

13 Ապա լեռը ելաւ եւ իրեն կանչեց իր ուզածները, ու քովը գացին: 14 Եւ ընտրեց տասներկու հոգի, որպէսզի ըլլան իրեն հետ, ու դրկէ զանոնք՝ քարոզելու, 15 նաեւ իշխանութիւն ունենալու՝ ախտերը բուժելու եւ դեւերը դուրս հանելու համար.— 16 Սիմոնը՝ որ Պետրոս անուանեց, 17 Զեբեդեան Յակոբոսն ու Յակոբոսի եղբայրը՝ Յովհաննէսը, որոնք Բաներեգէս անուանեց, որ ըսել է. «Որոտումի որդիներ», 18 Անդրէասը, Փիլիպոսը, Բարթողոմէոսը, Մատթէոսը, Թովմասը, Ալփէոսեան Յակոբոսը, Թադէոսը, Սիմոն Կանանցին 19 եւ Յուդա Իսկարիովտացին, որ մատնեց զայն:

### ՅԻՍՈՒՍ ԵՒ ԲԷԵՂՁԵԲՈՒԴ

(Մատթ. 12. 22-32: Ղուկ. 11. 14-23, 12. 10)

20 Տուն գացին, ու դարձեալ բազմութիւնը համախմբուեցաւ, այնպէս որ չկրցան նոյնիսկ հաց ուտել: 21 Երբ իրենները լսեցին՝ գացին որ բռնեն զինք, քանի որ կ'ըսէին. «Ճնորած է»: 22 Երուսաղէմէն իշած դպիրներն ալ կ'ըսէին. «Անոր մէջ բէեղզեբուդ կայ, եւ դեւերուն իշխանով՝ կը հանէ դեւերը»: 23 Յիսուս կանչելով զանոնք՝ առակներով խօսեցաւ անոնց. «Սատանան ի՞նչպէս կրնայ դուրս հանել Սատանան: 24 Եթէ թագաւորութիւն մը բաժնուի ինքնիր դէմ՝ այդ թագաւորութիւնը չի կրնար կենալ: 25 Եթէ տուն մը բաժնուի ինքնիր դէմ, այդ տունը չի կրնար կենալ: 26 Եթէ Սատանան կանգնած ու բաժնուած է ինքնիր դէմ՝ ան չի կրնար կենալ, հապա անոր վախճանը հասած է: 27 Ո՛չ մէկը կրնայ մտնել ուժեղ մարդու մը տունը եւ յափշտակել անոր կարասիները, եթէ նախ չկապէ ուժեղ մարդը, եւ այն ատեն կողոպտէ անոր տունը: 28 Ճշմարտապէս կը յայտարարեմ ձեզի. “Սարդոց որդիներուն պիտի ներուի ամէն մեղք, նաեւ հայրոյութիւնները՝ ո՛րքան ալ հայրոյն: 29 Բայց ո՛վ որ հայրոյէ Սուլր Հոգիին դէմ, յալիտեան ներում պիտի չունենայ, հապա բարժանի պիտի ըլլայ յալիտենական

## ՄԱՐԿՈՍԻ ԱԻԵՏԱՐԱՆԸ

ԳԴԱՏԱՊԱՐՏՈՒԹԵԱՆԸ»: **30** Որովհետեւ կ'ըսէին. «Անմաքուր ոգի կայ անոր մէջ»:

### ՅԻՍՈՒՍԻ ՄԱՅՐՆ ՈՒ ԵՂԲԱՅՐՆԵՐԸ (Մատթ. 12. 46-50: Ղուկ. 8. 19-21)

**31** Յետոյ անոր մայրն ու եղբայրները եկան, եւ դուրսը կայնելով՝ **մարդ** ղրկեցին ու կանչեցին զայն. **32** բազմութիւնն ալ նստած էր անոր շուրջը: Երբ ըսին իրեն. «Ահա՛ քու մայրդ ու եղբայրներդ կը փնտռեն քեզ դուրսը», **33** ան ալ պատասխանեց անոնց. «Ո՞վ է իմ մայրս, կամ **որո՞նք եղ եղբայրներս**»: **34** Եւ նայելով իր շուրջը նստողներուն՝ ըսաւ. «Ահա՛ մայրս ու եղբայրներս. **35** որովհետեւ ո՞վ որ կը գործադրէ Աստուծոյ կամքը, անիկա՛ է իմ եղբայրս, քոյրս եւ մայրս»:

### ՍԵՐՄՆԱՅԱՆԻՆ ԱՌԱԿԸ (Մատթ. 13. 1-9: Ղուկ. 8. 4-8)

## 4

Դարձեալ սկսաւ սորվեցնել ծովեզերքը, եւ մեծ բազմութիւն մը անոր քով հաւաքուեցաւ, այնպէս որ ինք նաւ մտաւ ու նստաւ՝ ծովուն վրայ. իսկ ամբողջ բազմութիւնը ցամաքն էր՝ ծովեզերքը: **2** Ծատ բաներ կը սորվեցնէր անոնց՝ առակներով, եւ կ'ըսէր անոնց իր ուսուցումին մէջ. **3** «Լսեցէ՛ք, ահա՛ սերմնացան մը գնաց **սերմ** ցանելու: **4** Մինչ կը ցանէր, քանի մը **սերմեր** ինկան ճամբային եզերքը, եւ թռչունները եկան ու լափեցին զանոնք: **5** Ուրիշներ ինկան ժայռոտ տեղ մը, ուր շատ հող չկար, եւ իսկոյն բուսան՝ հողին խորունկ չըլլալուն համար. **6** սակայն տօթակէզ եղան երբ արեւը ելաւ, ու չորցան՝ քանի որ արմատ չունէին: **7** Ուրիշներ ալ ինկան փուշերու մէջ. փուշերը բարձրացան եւ խեղեցին զանոնք, ու պտուղ չտուին: **8** Իսկ ուրիշներ ինկան լաւ հողի մէջ, պտուղ տուին՝ բարձրանալով եւ աճելով, ու բերին՝ մէկը երեսուն, մէկը՝ վաթսուն, մէկը՝ հարիւր»: **9** Եւ ըսաւ անոնց. «Ա՛ն որ ականջ ունի լսելու՝ թող լսէ»:

### ԱՌԱԿՆԵՐՈՒՆ ՆՊԱՏԱԿԸ (Մատթ. 13. 10-17: Ղուկ. 8. 9-10)

**10** Երբ առանձին էր, իր շուրջը եղողները՝ տասներկութիւն հետ հարցուցին իրեն այս առակին մասին: **11** Եւ ըսաւ անոնց. «Զեզի տրուած է գիտնալ Աստուծոյ թագաւորութեան խորհուրդը, բայց անոնց որ դուրսէն են՝ ամէն ինչ առեղծուած կ'ըլլայ. **12** որպէսզի բատ տեսնեն՝ բայց չըմբռնեն, գատ լսեն՝ բայց չհասկնան, ու դարձի չգան եւ իրենց մեղերը չներուին»:

<sup>գ</sup> **Յուն.**՝ դատաստանի

<sup>ա</sup> **Յուն.**՝ առակներով

<sup>բ</sup> **Յուն.**՝ տեսնելով

<sup>գ</sup> **Յուն.**՝ լսելով

## ՄԱՐԿՈՍԻ ԱՒԵՏԱՐԱՆԸ

### ՅԻՍՈՒԽ ԿԸ ՄԵԿՆԵ ՍԵՐՄՆԱՅԱՆԻՆ ԱՌԱԿԸ

(Մատթ. 13. 18-23: Ղուկ. 8. 11-15)

13 Ապա ըսաւ անոնց. «Այս առակը չէ՞ք ըմբռներ. ուրեմն ի՞նչպէս պիտի հասկնաք բոլոր առակները: 14 Սերմնացանը՝ խօսքը կը ցանէ: 15 Ճամբային եզերքը եղողները՝ ուր խօսքը կը ցանուի՝ անոնք են, որ երբ կը լսեն՝ իսկոյն Սատանան կու գայ եւ կը վերցնէ անոնց սիրտերուն մէջ ցանուած խօսքը: 16 Նմանապէս՝ ժայռոտ տեղերու վրայ ցանուածները անոնք են, որ երբ կը լսեն խօսքը՝ իսկոյն կ'ընդունին զայն ուրախութեամբ: 17 Բայց իրենց մէջ արմատ չունենալով՝ քիչ ժամանակ կը տոկան. յետոյ, երբ տառապանք կամ հալածանք ըլլայ խօսքին պատճառով, իսկոյն կը գայթակղին: 18 Փուշերու մէջ ցանուածները անոնք են՝ որ խօսքը կը լսեն, 19 բայց այս աշխարհի հոգերը, հարստութեան խարէութիւնը եւ ուրիշ բաներու ցանկութիւնները ներս մտնելով՝ կը խեղին խօսքը, ու ան կ'ըլլայ անպտուղ: 20 Իսկ լաւ հողի մէջ ցանուածները անոնք են՝ որ խօսքը կը լսեն, կ'ընդունին եւ պտուղ կ'արտադրեն՝ մէկը երեսուն, մէկը՝ վաթսուն, մէկը՝ հարիւր»:

### ՃՐԱԳԸ ԳՐՈՒԱՆԻՆ ՏԱԿ

(Ղուկ. 8. 16-18)

21 Յետոյ ըսաւ անոնց. «Միթէ ճրագը գրուանին կամ մահիճին տա՞կ դրուելու համար կու գայ. արդեօք աշտանակին վրայ դրուելու համար չէ՞։ 22 Որովհետեւ չկայ գաղտնիք մը՝ որ բացայայտ պիտի չըլլայ, եւ չէ եղած պահուած բան մը՝ որ երեւան չելլէ: 23 Եթէ մէկը ականջ ունի լսելու՝ թող լսէ»:

24 Ապա ըսաւ անոնց. «Զգուշացէ՞ք թէ ի՞նչ կը լսէք. այն չափով որ դուք կը չափէք, նոյն չափով պիտի չափուի ծեզի. ու ծեզի՝ որ կը լսէք՝ պիտի աւելնայ: 25 Որովհետեւ ո՞վ որ ունի՝ անոր պիտի տրուի. իսկ ո՞վ որ չունի՝ ունեցածն ալ անկէ պիտի առնուի»:

### ԱԾՈՂ ՍԵՐՄԻՆ ԱՌԱԿԸ

26 Նաեւ կ'ըսէր. «Աստուծոյ թագաւորութիւնը այնպէս է, որպէս թէ մարդ մը հողին մէջ հունտ ցանէ. 27 քնանայ թէ արթննայ, գիշեր ու ցերեկ, հունտը կը ծաղկի եւ կը մեծնայ, **ու** ինք չի գիտեր թէ ի՞նչպէս: 28 Քանի որ հողը ինքնիրմէ պտուղ կ'արտադրէ. նախ՝ խոտը, յետոյ՝ հասկը, անկէ ետք՝ լեցուն ցորենը հասկին մէջ: 29 Երբ պտուղը հասուննայ՝ իսկոյն մանգաղը կը դրկէ, որովհետեւ հունձքի ատենը հասած է»:

### ՄԱՆԱԼԵԽԻՆ ԱՌԱԿԸ

(Մատթ. 13. 31-32, 34: Ղուկ. 13. 18-19)

30 Ապա կ'ըսէր. «Աստուծոյ թագաւորութիւնը ի՞նչ բանի նմանցնենք, կամ ի՞նչ առակով բացատրենք զայն: 31 Մանանեխի հատիկին նման է, որ հողին մէջ ցանուած ատենը՝ երկրի վրայ եղած սերմերուն ամենէն պղտիկն է. 32 Բայց երբ ցանուի՝ կը ՚բուսնի,

<sup>Դ</sup> Յուն.՝ բարձրանայ

## ՄԱՐԿՈՍԻ ԱՒԵՏԱՐԱՆԸ

բոլոր տունկերէն ալ մեծ կ'ըլլայ ու մեծ ճիւղեր կ'արձակէ, այնպէս որ երկինքի թռչունները կրնան անոր շուրջին տակ բնակիլ»:

**33** Ծատ այսպիսի առակներով կը քարոզէր խօսքը անոնց, այնքան՝ որքան կրնային մտիկ ընել: **34** Առանց առակի չէր խօսեր անոնց, բայց առանձին՝ իր աշակերտներուն կը մեկնէր բոլորը:

### ՅԻՍՈՒՍ ԿԸ ԽԱՂԱՂԵՑՆԷ ՓՈԹՈՐԻԿԸ

(Մատթ. 8. 23-27: Ղուկ. 8. 22-25)

**35** Նոյն օրը՝ երբ իրիկուն կ'ըլլար, ըսաւ անոնց. «**ԵԿԵՌ ՃՈՎՈՒՆ** միւս եգերքը անցնինք»:

**36** Անոնք ալ բազմութիւնը արձակելով՝ առին զինք, քանի նաւուն մէջ էր. ուրիշ նաւակներ ալ կային անոր հետ: **37** Ու հզօր փոթորիկ մը եղաւ եւ ալիքները նաւուն վրայ կը խուժէին, այնպէս որ արդէն կը լեցուէր. **38** իսկ ինք՝ նաւուն ետեւի կողմը՝ բարձի վրայ կը քնանար: Արթնցուցին զինք եւ ըսին իրեն. «Վարդապե՞տ, հոգ չե՞ս ըներ՝ որ կը կորսուինք»: **39** Ուստի ելլելով՝ սաստեց հովը եւ ըսաւ ծովուն. «Դադրէ՛, լո՛ւ կեցիր»: Հովը դադրեցաւ, ու մեծ խաղաղութիւն եղաւ: **40** Ըսաւ անոնց. «Ինչո՞ւ այդպէս երկշոտ էք. ի՞նչպէս կ'ըլլայ՝ որ հաւատք չունիք»: **41** Անոնք չափազանց վախցան, եւ կ'ըսէին իրարու. «Արդեօք ո՞վ է ասիկա, որ նոյնիսկ հովն ու ծովը կը հնազանդին իրեն»:

### ՅԻՍՈՒՍ ԿԸ ԲՈՒԺԵ ԴԻԻԱՀԱՐԸ

(Մատթ. 8. 28-34: Ղուկ. 8. 26-39)

## 5

Ծովուն միւս եգերքը եկան՝ <sup>ա</sup>Գաղարացիներուն երկիրը: **2** Երբ ինք նաւէն ելաւ, իսկոյն գերեզմաններէն **ելած** մարդ մը հանդիպեցաւ իրեն, որ անմաքուր ոգի ունէր: **3** Անոր բնակած տեղը գերեզմաններուն մէջ էր, ու շղթայո՞վ ալ ո՛չ մէկը կրնար կապել զայն. **4** որովհետեւ յաճախ ոտնակապերով եւ շղթաներով կապուեր էր, բայց շղթաները կոտրտեր ու ոտնակապերը փշուեր էր, եւ ո՛չ մէկը կրնար նուածել զայն: **5** Ամէն ատեն, գիշեր ու ցերեկ, <sup>բ</sup>գերեզմաններուն եւ լեռներուն մէջ՝ <sup>հ</sup>կ'աղաղակէր, ու իր մարմինը կը ճեղքուտեր քարերով: **6** Երբ հեռուէն տեսաւ Յիսուսը, վազեց ու երկրպագեց անոր, **7** եւ բարձրածայն աղաղակեց. «Դուն ի՞նչ գործ ունիս ինծի հետ, Յիսո՞ւս, Ամենաբա՛րձր Աստուծոյ Որդի. Աստուծմով կ'երդմնեցնեմ քեզ, մի՛ տանջեր զիս»: **8** (Քանի որ կ'ըսէր անոր. «Անմաքո՞ւր ոգի, ելի՛ր այդ մարդէն»:) **9** Հարցուց անոր. «Ի՞նչ է անունդ»: Ան ալ պատասխանեց. «Անունս Լեգէոն է, որովհետեւ բազմաթիւ ենք»: **10** Ծատ <sup>գ</sup>կ'աղաշէին անոր՝ որ **այդ** երկրէն դուրս չղրկէ զիրենք: **11** Հոն, լերան մօտ, խոզերու մեծ երամակ մը կար՝ որ կ'արածէր: **12** Բոլոր դեւերը աղաշեցին անոր եւ ըսին. «Մեզ խոզերուն դրկէ, որպէսզի անոնց մէջ մտնենք»: **13** Յիսուս իսկոյն արտօնեց անոնց: Երբ անմաքուր ոգիները դուրս ելան ու խոզերուն մէջ մտան, երամակը գահավէժ տեղէն ծովը վազեց (երկու հազարի չափ կային), եւ ծովուն մէջ խեղդուեցան: **14** Խոզարածները վախցան, ու պատմեցին

<sup>ա</sup> **ՈՄԱՆՔ՝** Գերգեսացիներուն

<sup>բ</sup> **ՈՄԱՆՔ՝** լեռներուն մէջ ու գերեզմաններուն մէջ

<sup>գ</sup> **ՈՄԱՆՔ՝** կ'աղաշէր

## ՄԱՐԿՈՍԻ ԱՒԵՏԱՐԱՆԸ

քաղաքին եւ արտերուն մէջ, ու **Մարդիկ** դուրս ելան՝ տեսնելու թէ ի՞նչ էր պատահածը: **15** Եկան Յիսուսի քով, տեսան լեգէոն ունեցող դիւահարը, որ նստած էր՝ հագուած եւ սթափած, ու վախցան: **16** Անոնք որ տեսեր էին՝ պատմեցին իրենց թէ ի՞նչ պատահեցաւ դիւահարին, նաեւ խոզերուն մասին. **17** իրենք ալ սկսան աղաշէլ ո՞անոր, որպէսզի իրենց հողամասէն երթայ: **18** Երբ ան նաւ մտաւ, դիւահարը կ'աղաշէր անոր՝ որ ըլլայ անոր հետ: **19** Բայց Յիսուս թոյլ չտուաւ անոր, հապա ըսաւ անոր. «Գնա՛ տունդ՝ քուկիններուդ քով,<sup>1</sup> ու պատմէ՛ անոնց **ամէց** ինչ որ Տէրը ըրաւ քեզի, եւ **ի՞նչպէս** ողորմեցաւ քեզի»: **20** Ան ալ գնաց, եւ սկսաւ Դեկապոլիսի մէջ հրապարակել **ամէց** ինչ որ Յիսուս ըրաւ իրեն. ու բոլորը կը զարմանային:

### ՅԱՅՐՈՍԻ ԱՂՋԻԿԸ ԵՒ ՏԵՌԱՏԵՍ ԿԻՆԸ

(Մատթ. 9. 18-26: Ղուկ. 8. 40-56)

**21** Երբ Յիսուս դարձեալ նաւով անցաւ **ծովուց** միւս եզերքը, մեծ բազմութիւն մը հաւաքուեցաւ անոր քով, եւ ինք ծովեզերքն էր: **22** Ժողովարանի պետերէն մէկը եկաւ, որուն անունը Յայրոս էր, ու երբ տեսաւ զայն՝ ինկաւ անոր ոտքը, **23** շատ աղաշեց անոր եւ ըսաւ. «Աղջիկս մեռնելու մօտ է. Եկո՛ւր, դի՛ր ձեռքդ անոր վրայ՝ որպէսզի բուժուի, ու պիտի ապրի»: **24** Ան ալ գնաց անոր հետ: Մեծ բազմութիւն մը իրեն կը հետեւէր, եւ կը սեղմէր զինք:

**25** Կին մը՝ որ արիւնահոսութիւն ունէր տասներկու տարիէ ի վեր, **26** շատ չարչարանք կրած էր բազմաթիւ բժիշկներէ, եւ իր ամբողջ ունեցածը ծախսած էր բայց բնա՛ չէր օգտուած, այլ փոխարէնը **վիճակը** կը վատթարանար: **27** Երբ լսեց Յիսուսի մասին, ետեւէն եկաւ՝ բազմութեան մէջ, ու դպաւ անոր հանդերձին. **28** քանի որ կ'ըսէր. «Եթէ միայն անոր հանդերձներուն դպչիմ՝ պիտի բժշկուիմ»: **29** Իսկոյն իր արիւնին աղբիւրը ցամքեցաւ, եւ իր մարմինին մէջ գիտցաւ թէ տանջանքէն բժշկուեցաւ: **30** Յիսուս իսկոյն գիտցաւ ինքնիր մէջ թէ զօրութիւն մը ելաւ իրմէ դուրս, դարձաւ բազմութեան ու ըսաւ. «Ո՞վ դպաւ իմ հանդերձներուս»: **31** Իր աշակերտները ըսին իրեն. «Կը տեսնե՛ս թէ բազմութիւնը կը սեղմէ քեզ, եւ կ'ըսէս. «Ո՞վ դպաւ ինծի՞»: **32** Իր շուրջը կը նայէր՝ որպէսզի տեսնէ այս բանը ընողը: **33** Կինը վախցաւ ու դողաց, որովհետեւ գիտէր թէ ի՞նչ պատահեցաւ իրեն. Եկաւ, ինկաւ անոր առջեւ, եւ պատմեց անոր ամբողջ ճշմարտութիւնը: **34** Յիսուս ըսաւ անոր. «Աղջի՛կ, հաւատքդ բժշկեց քեզ. գնա՛ խաղաղութեամբ, ու բժշկուա՛ծ եղիր քու տանջանքէդ»:

**35** Երբ ինք դեռ կը խօսէր, ժողովարանի պետին տունէն **ոմանք** եկան եւ ըսին. «Աղջիկդ մեռաւ, ա՛լ ինչո՞ւ կ'անհանգստացնես վարդապետը»: **36** Իսկ Յիսուս, երբ լսեց ըսուած խօսքը, իսկոյն ըսաւ ժողովարանի պետին. «Մի՛ վախնար, միայն հաւատա»: **37** Ու ո՛չ մէկուն թոյլ տուաւ որ իրեն ուղեկցի, բայց միայն Պետրոսի, Յակոբոսի եւ Յակոբոսի եղբօր՝ Յովհաննէսի: **38** Ժողովարանի պետին տունը հասնելով՝ նշմարեց աղմուկը, նաեւ անոնք՝ որ շատ կու լային ու կը հեծեծէին: **39** Ներս մտնելով՝ ըսաւ անոնց. «Ինչո՞ւ իրար անցած էք եւ կու լաք. մանուկը մեռած չէ, հապա կը քնանայ»: **40** Անոնք ալ զինք ծաղրեցին. բայց ինք բոլորը դուրս հանելով՝ իրեն հետ առաւ մանուկին հայրն ու

<sup>1</sup> **Այսիհերը** Յիսուսի

<sup>2</sup> **Յուլ.**՝ փրկուի

## ՄԱՐԿՈՍԻ ԱՒԵՏԱՐԱՆԸ

մայրը, եւ իրեն հետ եղողները, ու մտաւ հոն՝ ուր մանուկը պառկած էր: **41** Մանուկին ձեռքէն բռնելով՝ ըսաւ անոր. «Տալիթա՛, կումի՛», որ կը թարգմանուի. «Աղջի՛կ, (քեզի՛ կ'ըսեմ,) **ոտքի՛** ելիր»: **42** հսկոյն աղջիկը կանգնեցաւ եւ քալեց, որովհետեւ տասներկու տարեկան էր. ու տեսնողները հիացումէն զմայլեցան: **43** Յիսուս սաստիկ պատուիրեց անոնց՝ որ ո՛չ մէկը գիտնայ այս բանը, եւ ըսաւ՝ որ ուտելիք տան անոր:

### ՅԻՍՈՒՍ ԿԸ ՄԵՐԺՈՒԻ ՆԱԶԱՐԵԹԻ ՄԷՋ

(Մատթ. 13. 53-58: Ղուկ. 4. 16-30)

## 6

Անկէ մեկնելով՝ գնաց իր բնագաւառը, եւ իր աշակերտները հետեւեցան անոր: **2** Երբ Շաբաթ օրը հասաւ, սկսաւ ժողովարանին մէջ սորվեցնել: Շատեր լսելով կ'ապշէին ու կ'ըսէին. «Ասիկա ուրկէ՞ ունի այս բաները. այս ի՞նչ իմաստութիւն է՝ իրեն տրուած, որ այսպիսի հրաշքներ կը գործուին իր ձեռքով: **3** Ասիկա հիւսնը չէ՞, Մարիամի որդին, եւ Յակոբոսի, Յովսէսի, Յուդայի ու Սիմոնի եղբայրը. եւ իր քոյրերը հոս՝ մեր քով չե՞ն»: Ուստի անոր պատճառով կը գայթակղէին: **4** Սակայն Յիսուս ըսաւ անոնց. «Մարգարէ մը առանց պատիհի չէ, բացի իր բնագաւառին, իր ազգականներուն եւ իր տան մէջ»: **5** Հոն չէր կրնար հրաշք գործել. բայց միայն քանի մը հիւսնի վրայ ձեռք դրաւ ու բուժեց **զանոնք:** **6** Եւ անոնց անհաւատութեան վրայ կը զարմանար, ու շրջակայ գիւղերը երթալով՝ կը սորվեցնէր:

### ՅԻՍՈՒՍ ԿԸ ՂՐԿԵ ՏԱՍՆԵՐԿՈՒ ԱՇԱԿԵՐՏՆԵՐԸ

(Մատթ. 10. 5-15: Ղուկ. 9. 1-6)

**7** Իրեն կանչելով տասներկուք՝ երկու-երկու դրկեց զանոնք, եւ իշխանութիւն տուաւ անոնց՝ անմաքուր ոգիներուն վրայ: **8** Պատուիրեց անոնց՝ որ ոչինչ առնեն ճամբորդութեան համար, բայց միայն գաւազան մը. ո՛չ պարկ, ո՛չ հաց, ո՛չ դրամ՝ գոտիներուն մէջ, **9** հապա հողաթափ հագնին: Ու ըսաւ. «Կրկին բաճկոն մի՛ հագնիք», **10** եւ աւելցուց. «Ո՛ր տունը որ մտնէք, հո՛ն մնացէք՝ մինչեւ որ անկէ մեկնիք: **11** Իսկ անոնք որ չեն ընդունիր ձեզ ու մտիկ չեն ըներ ձեզի, երբ անկէ մեկնիք՝ թօթուեցէք ձեր ոտքերուն ներքեւի փոշին, իբր վկայութիւն անոնց: «Ճշմարտապէս կը յայտարարեմ ձեզի. «Սոդումացիներուն եւ Գոմորացիներուն աւելի՛ դիլին պիտի ըլլայ դատաստանին օրը՝ քան այդ քաղաքին»»:

**12** Անոնք ալ մեկնելով՝ կը քարոզէին, որ **մարդիկ** ապաշխարեն: **13** Շատ դեւեր դուրս կը հանէին, շատ հիւսներ իւղով կ'օծէին ու զանոնք կը բուժէին:

**14** Երբ Հերովդէս թագաւորը լսեց, (քանի որ անոր անունը յայտնի եղաւ,) ըսաւ. «Յովհաննէս Մկրտիչ մեռելներէն յարութիւն առած է. ուստի հրաշքներ կը գործուին անով»: **15** Ուրիշներ կ'ըսէին. «Եղիա՛ն է», ուրիշներ ալ կ'ըսէին. «Մարգարէ մըն է, կամ մարգարէներէն մէկուն պէս»: **16** Բայց երբ Հերովդէս լսեց՝ ըսաւ. «Ասիկա Յովհաննէսն է՝ որ ես գլխատեցի. մեռելներէն յարութիւն առած է»:

### ՅՈՎՀԱՆՆԵՍ ՄԿՐՏԻՉԻՆ ՄԱՀԸ

“**Ոմանք չունին**

**17** Արդարեւ Հերովդէս՝ ի՞նք **մարդ** դրկելով բռներ էր Յովհաննէսը, ու կապելով բանտը **դրեր** էր, իր եղբօր՝ Փիլիպպոսի կնոց՝ Հերովդիայի պատճառով, քանի որ անոր հետ ամուսնացած էր. **18** որովհետեւ Յովհաննէս կ'ըսէր Հերովդէսի. «**Քեզի** արտօնուած չէ եղբօրդ կինը առնել»: **19** Հերովդիա ոխ ունէր անոր դէմ եւ կ'ուզէր զայն սպաննել, բայց չէր կրնար. **20** որովհետեւ Հերովդէս կը վախնար Յովհաննէսէ, գիտնալով թէ ան արդար ու սուրբ մարդ մըն է, եւ կը դիտէր զայն: Անկէ լսելով՝ շատ բաներ կ'ընէր, ու հաճոյքով անոր մտիկ կ'ընէր: **21** Պատեհ օր մը եկաւ, երբ Հերովդէս իր ծնունդի տարեդարձին **առիթով** ընթրիք մը սարքած էր իր մեծամեծներուն, հազարապետներուն եւ Գալիլեայի գլխաւորներուն: **22** Հերովդիայի աղջիկը՝ **հանդէսին սրահը** մտնելով՝ պարեց, ու հաճեցուց Հերովդէսը եւ իրեն հետ սեղան նստողները: Թագաւորը ըսաւ աղջիկին. «Խնդրէ՛ ինձմէ ի՞նչ որ կ'ուզես, ու պիտի տամ քեզի»: **23** Եւ անոր երդում ըրաւ՝ **ըսելով**. «ի՞նչ որ խնդրես ինձմէ՝ պիտի տամ քեզի, մինչեւ թագաւորութեանս կէսը»: **24** Ան դուրս ելլելով՝ հարցուց իր մօր. «ի՞նչ ուզեմ»: Ան ալ ըսաւ. «Յովհաննէս Մկրտիչին գլուխը»: **25** Խսկոյն փութալով թագաւորին քով մտաւ ու խնդրեց՝ ըսելով. «Կ'ուզեմ որ անյապաղ, ափսէի մը վրայ, Յովհաննէս Մկրտիչին գլուխը տաս ինձի»: **26** Թագաւորը չափազանց տրտմեցաւ. բայց երդումներուն եւ իրեն հետ սեղան նստողներուն պատճառով՝ չուզեց <sup>բ</sup>մերժել անոր խնդրանքը»: **27** Ուստի թագաւորը խսկոյն դահիճ մը դրկեց, ու հրամայեց բերել անոր գլուխը: Ան ալ գնաց, բանտին մէջ գլխատեց զայն, **28** ափսէի մը վրայ բերաւ անոր գլուխը եւ տուաւ աղջիկին. աղջիկն ալ տուաւ զայն իր մօր: **29** Երբ անոր աշակերտները լսեցին՝ եկան, վերցուցին անոր մարմինը եւ դրին գերեզմանի մը մէջ:

## ՅԻՍՈՒՍ ԿԸ ԿԵՐԱԿՐԷ ՀԻՆԴ ՀԱԶԱՐԸ

(Մատթ. 14. 13-21: Ղուկ. 9. 10-17:

Յովհ. 6. 1-14)

**30** Առաքեալները հաւաքուեցան Յիսուսի քով ու պատմեցին անոր ամէն բան, թէ՛ ինչ որ ըրին, թէ՛ ինչ որ սորվեցուցին: **31** Ան ալ ըսաւ անոնց. «Դո՞ւք առանձին եկէ՛ք ամայի տեղ մը, եւ հանգչեցէ՛ք քիչ մը»: քանի որ շատեր կու գային ու կ'երթային, եւ **հաց** ուտելու իսկ ժամանակ չէին ձգեր: **32** Ուստի նաւով ամայի տեղ մը գացին՝ առանձին: **33** **Բազմութիւնը** տեսաւ զանոնք՝ որ կ'երթային: Ծատեր ճանչցան զայն, ու ոտքով՝ բոլոր քաղաքներէն հոն վագեցին, եւ անոնցմէ առաջ հասնելով՝ անոր քով համախմբուեցան: **34** Յիսուս, երբ դուրս եկաւ, մեծ բազմութիւն մը տեսնելով՝ գթաց անոնց վրայ, որովհետեւ հովիւ չումեցող ոչխարներու պէս էին. ու շատ բաներ սորվեցուց անոնց:

**35** Երբ շատ ժամեր անցան, իր աշակերտները եկան իրեն եւ ըսին. «**Հոս** ամայի տեղ մըն է, ու ժամանակը արդէն շատ **ուշ** է: **36** Արձակէ՛ **ժողովուրդը**, որպէսզի երթան շրջակայ արտերն ու գիտերը եւ իրենց հաց գնեն, որովհետեւ ոչինչ ունին ուտելու»: **37** Բայց ինք պատասխանեց անոնց. «Դո՞ւք տուէք ատոնց՝ որ ուտեն»: Ըսին իրեն. «Երթանք գնե՞նք երկու հարիւր դահեկանի հաց ու տա՞նք ատոնց՝ որ ուտեն»: **38** Ըսաւ անոնց. «**Քանի՞ նկանակ** ունիք. գացէ՛ք՝ նայեցէ՛ք»: Երբ գիտցան՝ ըսին. «Հինգ, եւ երկու ձուկ»: **39** Հրամայեց անոնց, որ բոլորը կանաչ խոտին վրայ՝ խումբ-խումբ նստեցնեն. **40** ու

<sup>բ</sup> Յովհ.՝ անարգել զայն

## ՄԱՐԿՈՍԻ ԱՒԵՏԱՐԱՆԸ

Աստան՝ հարիւրական եւ յիսունական շարքերով: **41** Հինգ նկանակներն ու երկու ծուկերը առաւ, դէպի երկինք նայելով՝ օրհնեց, մանրեց նկանակները եւ տուաւ իր աշակերտներուն, որպէսզի հրամցնեն անոնց. երկու ծուկերն ալ բաժնեց բոլորին: **42** Բոլորը կերան, կշտացան, **43** եւ վերցնելով բեկորներն ու ծուկերը՝ տասներկու կողով լեցուցին: **44** Այդ նկանակներէն ուտողները՝ հինգ հազարի չափ **այր** մարդիկ էին:

### ՅԻՍՈՒԽ ԿԸ ՔԱԼԵ ԾՈՎՈՒՆ ՎՐԱՅ

(Մատթ. 14. 22-33: Յովհ. 6. 15-21)

**45** Իսկոյն իր աշակերտները հարկադրեց՝ որ նաւ մտնեն, ու **իրսէ** առաջ անցնին միւս եզերքը՝ Բեթսայիդա, մինչ ինք կ'արձակէր բազմութիւնը: **46** Եւ անոնցմէ հրաժեշտ առնելէ ետք՝ լեռը գնաց աղօթելու: **47** Երբ իրիկուն եղաւ, նաւը ծովուն մէջտեղն էր, իսկ ինք ցամաքին վրայ էր՝ մինակ: **48** Տեսաւ զանոնք՝ որ կը տանջուէին **թի** վարելով, որովհետեւ հովը իրենց հակառակ էր: Գիշերուան չորրորդ պահուն ատենները՝ ծովուն վրայ քալելով գնաց անոնց, եւ կ'ուզէր անցնիլ անոնց քովէն: **49** Երբ անոնք տեսան՝ որ ծովուն վրայ կը քալէր, կարծեցին թէ աչքի երեւոյթ մըն է. ուստի աղաղակեցին, **50** քանի որ բոլորն ալ տեսան զայն ու վրդովեցան: Եւ ինք իսկոյն խօսեցաւ անոնց հետ ու ըսաւ անոնց. «Քաջալերուեցէք, ե՞ս եմ, մի՛ վախնաք»: **51** Եւ նաւ եղաւ անոնց քով, ու հովը դադրեցաւ: Անոնք իրենք իրենց մէջ չափազանց զմայլած էին եւ կը գարմանային, **52** որովհետեւ նկանակներուն **հրաշքն իսկ** չէին նկատած՝ քանի իրենց սիրտը թմրած էր:

### ՅԻՍՈՒԽ ԿԸ ԲՈՒԺԵ ՀԻՒԱՆԴՆԵՐ ԳԵՆԵՍԱՐՀԹԻ ՄԷՋ

(Մատթ. 14. 34-36)

**53** Միւս կողմը անցնելով՝ հասան գեննեսարէթի երկիրը, ու նաւը տեղաւորեցին: **54** Երբ նաւէն եղան՝ **այդ տեղի մարդիկը** իսկոյն ճանչցան զայն, **55** եւ ամբողջ շրջակայքը հոսնոն վազելով՝ սկսան մահիճներով ախտաւորներ բերել հո՛՛ ո՛ւր կը լսէին թէ կը գտնուէր: **56** Ուր որ մտնէր, գիւղերը, քաղաքները կամ արտերը, հրապարակներուն վրայ կը դնէին հիւանդները, ու կ'աղաչէին իրեն՝ որ գոնէ իր հանդերձին քղանցքին դպչին: Եւ անոնք որ դպան՝ բժշկուեցան:

### ՆԱԽՆԻՔՆԵՐՈՒՆ ՈՒՍՈՒՑՈՒՆԸ

(Մատթ. 15. 1-9)

## 7

Փարիսեցիներէն ու դպիրներէն ոմանք՝ որ եկած էին երուսաղէմէն՝ իր քով հաւաքուեցան: **2** Երբ տեսան թէ անոր աշակերտներէն ոմանք՝ պիղծ, այսինքն՝ անլուայ ձեռքերով հաց կ'ուտեն, մեղադրեցին. **3** որովհետեւ Փարիսեցիներն ու բոլոր Հրեաները **հաց չեն** ուտեր՝ մինչեւ որ լա՛ մը լուան **իրենց** ձեռքերը, քանի որ նախնիքներուն աւանդութիւնը կը պահեն: **4** Ծուկայէն **եկած ատեն** եթէ չլուացուին՝ չեն ուտեր: Ասոնց նման շատ բաներ կան, որոնք ընդունած են ու կը պահեն, **ինչպէս՝** գաւաթներու,

\* Կամ՝ սքանչանային

## ՄԱՐԿՈՍԻ ԱԻԵՏԱՐԱՆԸ

փարչերու, պղինձէ անօթներու եւ սեղաններու լուացումը: **5** Հետեւաբար Փարիսեցիներն ու դպիրները հարցուցին անոր. «Ինչո՞ւ քու աշակերտներոյ նախնիքներուն աւանդութեան համաձայն չեն շարժիր, եւ անլուայ ծեռքերով հաց կ'ուտեն»: **6** Ինք ալ պատասխանեց անոնց. «Եսայի ճի՛շու մարգարէացաւ ծեր մասին, կեղծաւորնե՛ր, ինչպէս գրուած է. “Այս ժողովուրդը **միայն** շրթունքով կը պատուէ զիս, բայց իրենց սիրու հեռու է ինձմէ. **7** ու պարապ տեղը կը պաշտեն զիս՝ մարդոց պատուէրները **իբր** վարդապետութիւն սորվեցնելով»: **8** Որովհետեւ Աստուծոյ պատուիրանը ծգելով՝ մարդո՛ց աւանդութիւնը կը պահէք, **ինչպէս** փարչերու եւ գաւաթներու լուացումը, ու ասոնց նման շատ ուրիշ բաներ կ'ընէք»: **9** Եւ ըսաւ անոնց. «Լա՛ կ'անարգէք Աստուծոյ պատուիրանը, որպէսզի ծեր աւանդութիւնը պահէք: **10** Քանի որ Մովսէս ըսաւ. “Պատուէ՛ հայրդ ու մայրդ. եւ ո՛վ որ անհծէ **իբ** հայրը կամ մայրը, մահով թող վախճանի»: **11** Բայց դուք կ'ըսէք. “Եթէ մէկը **իբ** հօր կամ մօր ըսէ. “Ի՞նչ օգուտ որ ինձմէ պիտի ստանաս՝ **Աստուծոյ տալիք** կորբան է”, (որ կը նշանակէ՝ ընծայ), **ան ազատ կ'ըլլայ**, **12** Եւ ա՛լ թոյլ չէք տար անոր՝ բա՛ն մը ընել իր հօր կամ մօր: **13** Անվաւեր կը դարձնէք Աստուծոյ խօսքը՝ ծեր փոխանցած աւանդութեամբ, ու շատ ուրիշ բաներ կ'ընէք՝ ասոր նման»:

### ԲԱՆԵՐ՝ ՈՐ Կ'ԱՊԱԿԱՆԵՆ ՄԱՐԴԸ

(Մատթ. 15. 10-20)

**14** Ամբողջ բազմութիւնը իրեն կանչելով՝ ըսաւ անոնց. «Բոլո՛րդ ալ մտիկ ըրէք ինձի, ու հասկցէք: **15** Ոչինչ կայ՝ որ դուրսէն մտնէ մարդուն մէջ ու կարող ըլլայ պղծել զայն. հապա ինչ որ դուրս կ'ելլէ անկէ, անիկա՛ է որ կը պղծէ մարդը: **16** Ո՛վ որ ականջ ունի լսելու՝ թող լսէ»:

**17** Երբ ինք՝ **զատուելով այդ** բազմութենէն՝ տուն մտաւ, իր աշակերտները հարցուցին իրեն **այդ** առակին մասին: **18** Ըսաւ անոնց. «Դո՞ւք ալ այդպէս անխելք էք. չէ՞ք ըմբռներ թէ ամէն ինչ՝ որ դուրսէ՛ն կը մտնէ մարդուն մէջ, չի կրնար պղծել զայն, **19** որովհետեւ ո՛չ թէ անոր սիրտին մէջ կը մտնէ՛ հապա փորը, եւ արտաքնօցը դուրս կ'ելլէ. բուստի բոլոր կերակուրները մաքուր են»: **20** Նաեւ ըսաւ. «Ինչ որ կ'ելլէ մարդուն ներսէն, անիկա՛ կը պղծէ մարդը: **21** Որովհետեւ ներսէ՛ն, մարդոց սիրտէ՛ն, կ'ելլեն չար մտածումներ, շնուրիւններ, պոռնկութիւններ, սպանութիւններ, **22** գողութիւններ, ագահութիւններ, շարութիւններ, նենգութիւն, ցոփութիւն, չար աչք, հայիոյութիւն, ամբարտաւանութիւն, անմտութիւն: **23** Այս բոլոր չար բաները ներսէ՛ն կ'ելլեն ու կը պղծեն մարդը»:

### ԿՆՈՉ ՄԸ ՀԱԻԱՏՁՔԸ

(Մատթ. 15. 21-28)

**24** Կանգնելով՝ անկէ գնաց Տիլոսի եւ Սիրոնի հողամասերը, ու տուն մը մտնելով՝ կ'ուզէր որ ո՛չ մէկը գիտնայ. բայց չկրցաւ թաքուն մնալ: **25** Որովհետեւ կին մը, որուն աղջիկը անմաքուր ոգի ունէր **իբ մէջ**, լսեց անոր մասին, եկաւ եւ ինկաւ անոր ոտքը: **26**

**ա** Յուն.՝ մահիններու

**բ** Յուն.՝ մաքրելով բոլոր կերակուրները

## ՄԱՐԿՈՍԻ ԱԻԵՏԱՐԱՆԸ

Այդ կինը Գհեթանոս էր, Պիհւնիկ-աստրի ցեղէն, ու կը թախանձէր անոր՝ որ հանէ դեւը իր աղջիկէն: **27** Յիսուս ըսաւ անոր. «Թո՛յլ տուր՝ որ նախ զաւակները կշտանան, քանի որ լաւ չէ առնել զաւակներուն հացը եւ նետել շուներուն»: **28** Ան ալ պատասխանեց անոր. «Այո՛, Տէ՛ր. սակայն շուներն ալ՝ սեղանին ներքեւ՝ կը կերակրուին զաւակներուն փշրանքներէն»: **29** Յիսուս ըսաւ անոր. «Այդ խօսքիդ համար՝ գնա՛, դեւը դուրս ելաւ աղջիկէդ»: **30** **Կինը** իր տունը երթալով՝ գտաւ որ դեւը ելած էր, իսկ աղջիկը՝ պառկած մահիճին վրայ:

## ՅԻՍՈՒՍ ԿԸ ԲՈՒԺԷ ԽՈՒԼ ՈՒ ՀԱՄՐ ՄԱՐԴ ՄԸ

**31** Դարձեալ Տիւրոսի եւ Սիդոնի հողամասերէն մեկնելով՝ գնաց Գալիեայի ծովեզերքը, Դեկապոլիսի հողամասին մէջէն: **32** Մէկը բերին անոր առցեւ, խուլ ու դժուարախօս, եւ կ'աղազէին՝ որ ձեռք դնէ անոր վրայ: **33** Բազմութենէն մէկդի առնելով զայն՝ իր մատները մինեց անոր ականջներուն մէջ ու թքնեց, եւ դպաւ անոր լեզուին. **34** ապա երկինք նայելով՝ հառաչեց ու ըսաւ անոր. «Եփիփաթա՛», (որ ըսել է՝ բացուէ՛). **35** Խսկոյն բացուեցան անոր ականջները եւ քակուեցաւ անոր լեզուին կապը, ու շիտակ կը խօսէր: **36** Պատուիրեց անոնց՝ որ ո՛չ մէկուն ըսեն. սակայն ինք ո՛քան կը պատուիրէր անոնց, անոնք ալ աւելի կը հրապարակէին: **37** Չափազանց կ'ապշէին ու կ'ըսէին. «Ան ամէն ինչ լաւ կ'ընէ. խուլերուն լսել կու տայ, եւ համրերուն՝ խօսիլ»:

## ՅԻՍՈՒՍ ԿԸ ԿԵՐԱԿՐԷ ԶՈՐՍ ՀԱԶԱՐԸ

(Մատթ. 15. 32-39)

## 8

Այդ օրերը, բազմութիւնը յոյժ շատ ըլլալով եւ ուտելու ոչինչ ունենալով, **Յիսուս** իրեն կանչեց իր աշակերտները ու ըսաւ անոնց. **2** «Կը գթամ այդ բազմութեան վրայ, որովհետեւ արդէն երեք օր է՝ որ քովս են, եւ ոչինչ ունին ուտելու: **3** Եթէ անօթի ուղարկեմ զանոնք իրենց տուները՝ պիտի պարտասին ճամբան, որովհետեւ ատոնցմէ ոմանք հեռաւոր տեղէ եկած են»: **4** Իր աշակերտները պատասխանեցին իրեն. «Այս անապատին մէջ ուրկէ՞ կրնայ մէկը հացով կշտացնել ատոնք»: **5** Հարցուց անոնց. «Քանի՞ նկանակ ունիք»: Անոնք ըսին. «Եօթը»: **6** Հրամայեց բազմութեան՝ որ նստի գետինին վրայ. եւ առաւ եօթը նկանակները, շնորհակալ եղաւ, կտրեց ու տուաւ աշակերտներուն, որպէսզի հրամցնեն բազմութեան. եւ հրամցուցին: **7** Քանի մը մանր ձուկ ալ ունէին: Օրհնեց ու ըսաւ՝ որ զանոնք ալ հրամցնեն **անոնց**: **8** Կերան, կշտացան, եւ աւելցած բեկորներէն եօթը զամբիւղ վերցուցին: **9** Ուտողները չորս հազարի չափ էին: Արձակեց զանոնք, **10** եւ խսկոյն նաւ մտնելով՝ աշակերտներուն հետ գնաց Դաղմանութայի կողմերը:

## ՓԱՐԻՍԵՑԻՆԵՐԸ ՀՐԱԾՔ ԿԸ ԽՆԴՐԵՆ

(Մատթ. 16. 1-4)

\* Յուն.՝ Յոյն

\* Յուն.՝ Պիհւնիկ-սուրիացի

## ՄԱՐԿՈՍԻ ԱԻԵՏԱՐԱՆԸ

**11** Փարիսեցիները ելլելով՝ սկսան անոր հետ վիճաբանիլ, ու զայն փորձելով՝ կը խնդրէին իրմէ նշան մը երկինքէն: **12** Ան ալ իր հոգին մէջ հառաչելով՝ ըսաւ. «Ինչո՞ւ այս սերունդը նշան կը խնդրէ: Ճշմարտապէս կը յայտարարեմ ձեզի թէ այս սերունդին նշան պիտի չտրուի»: **13** Եւ զանոնք թողուց, դարձեալ նաւ մտաւ ու գնաց ծովուն միւս եզերքը:

### ՓԱՐԻՍԵՑԻՆԵՐՈՒՆ ԵՒ ՀԵՐՈՎԴԵՍԻ ԽՄՈՐԸ

(Մատթ. 16. 5-12)

**14** Հաց առնել մոռցած էին. բայց նաւուն մէջ իրենց հետ միայն մէկ նկանակ ունէին: **15** Պատուիրեց անոնց ու ըսաւ. «Ուշադի՛ր եղէք, զգուշացէ՛ք Փարիսեցիներու խմորէն ու Հերովդէսի խմորէն»: **16** Իսկ անոնք իրարու հետ կը մտածէին եւ կ'ըսէին. «Որովհետեւ հաց չունինք»: **17** Յիսուս գիտնալով **անոնց մտածումը՝** ըսաւ անոնց. «Ինչո՞ւ կը մտածէք թէ հաց չունիք. տակաւին չէ՞ք ըմբռներ ու չէ՞ք հասկնար. տակաւին ձեր սիրտը կարծրացա՞ծ է: **18** Աչքեր ունիք եւ չէ՞ք տեսներ, ականցներ ունիք ու չէ՞ք լսեր, եւ չէ՞ք յիշեր: **19** Երբ հինգ նկանակները կտրեցի հինգ հազարին, բեկորներով լեցուն քանի՞ կողով վերցուցիք»: Ըսին անոր. «Տասներկու»: **20** «Ու երբ եօթը **նկանակները կտրեցի** չորս հազարին, բեկորներով լեցուն քանի՞ զամբիւղ վերցուցիք»: Անոնք ալ ըսին. «Եօթը»: **21** Եւ ըսաւ անոնց. «**Հապա** ի՞նչպէս չէք հասկնար»:

### ՅԻՍՈՒՍ ԿԸ ԲՈՒԺԷ ԿՈՅՐ ՄԸ ԲԵԹՍԱՅԻԴԱՅԻ ՄԷՋ

**22** Երբ գնաց Բեթսայիդա՝ կոյր մը բերին անոր առջեւ, ու կ'աղաչէին իրեն՝ որ դպչի անոր: **23** Ան ալ՝ բոնելով կոյրին ձեռքէն՝ դուրս տարաւ գիւղէն, եւ թքնելով անոր աչքերուն՝ դրաւ ձեռքը անոր վրայ, ու հարցուց անոր թէ կը տեսնէ՛ բան մը: **24** Ան ալ նայեցաւ եւ ըսաւ. «Կը տեսնեմ մարդիկ՝ ծառերու պէս, որ կը քալեն»: **25** Դարձեալ դրաւ ձեռքը անոր աչքերուն վրայ ու նայիլ տուաւ անոր. եւ առողջացաւ, ու յստակօրէն կը տեսնէր բոլորը: **26** Յետոյ՝ դրկելով զայն իր տունը՝ ըսաւ. «Մի՛ մտներ գիւղը, ո՛չ ալ մէկու մը ըսէ գիւղին մէջ»:

### ՊԵՏՐՈՍԻ ՅԱՅՏԱՐԱՐՈՒԹԻՒՆԸ ՅԻՍՈՒՍԻ ՄԱՍԻՆ

(Մատթ. 16. 13-20: Ղուկ. 9. 18-21)

**27** Յիսուս գնաց Փիլիպպոսի Կեսարիային գիւղերը՝ իր աշակերտներուն հետ: Ճամբան հարցուց իր աշակերտներուն. «Մարդիկ ինծի համար ի՞նչ կ'ըսեն, ո՞վ եմ»: **28** Անոնք պատասխանեցին. «**Ոմանք՝** Յովհաննէս Մկրտիչը, ուրիշներ՝ եղիան, ուրիշներ ալ՝ մարգարէներէն մէկը»: **29** Եւ ինք ըսաւ անոնց. «Իսկ դո՛ք ինծի համար ի՞նչ կ'ըսէք, ո՞վ եմ»: Պետրոս պատասխանեց անոր. «Դուն Քրիստո՛սն ես»: **30** Սաստիկ հրահանգեց անոնց՝ որ ո՛չ մէկուն խօսին իր մասին:

### ՅԻՍՈՒՍ ԿԸ ԽՕՍԻ ԻՐ ԶԱՐՉԱՐԱՆՁԵՆԵՐՈՒՆ ԵՒ ՄԱՀՈՒԱՆ ՄԱՍԻՆ

(Մատթ. 16. 21-28: Ղուկ. 9. 22-27)

**31** Ապա սկսաւ սորվեցնել անոնց. «Պէտք է որ մարդու Որդին շատ չարչարանքներ կրէ, մերժուի երէցներէն, քահանայապետներէն եւ դպիրներէն, սպաննուի, ու երեք օրէն

## ՄԱՐԿՈՍԻ ԱՒԵՏԱՐԱՆԸ

Ետք յարութիւն առնէ»: **32** Այս խօսքը ըսաւ բացորոշապէս: Ուստի Պետրոս մէկդի առաւ զինք եւ սկսաւ յանդիմանել: **33** Իսկ ինք դարձաւ, իր աշակերտներուն նայելով՝ յանդիմանեց Պետրոսը եւ ըսաւ. «Ետեւս գնա, Սատանա՛յ, որովհետեւ դուն ո՛չ թէ Աստուծոյ բաները կը մտածես, հապա՛ մարդոց բաները»:

**34** Երբ իրեն կանչեց բազմութիւնը՝ իր աշակերտներուն հետ, ըսաւ անոնց. «Ո՞վ որ ուզէ գալ իմ ետեւէս, թող ուրանայ ինքզինք, վերցնէ իր խաչը, ու հետեւի ինծի: **35** Որովհետեւ ո՞վ որ ուզէ փրկել իր անձը՝ պիտի կորսնցնէ զայն, իսկ ո՞վ որ կորսնցնէ իր անձը՝ ինծի ու աւետարանին համար, պիտի փրկէ զայն: **36** Քանի որ ի՞նչ օգուտ է մարդուն՝ որ շահի ամբողջ աշխարհը, բայց կորսնցնէ իր անձը. **37** Կամ՝ մարդ ի՞նչ փրկանք պիտի տայ իր անձին փոխարէն: **38** Որովհետեւ ո՞վ որ ամօթ սեպէ զիս եւ իմ խօսքերս դաւանիլը՝ այս շնացող ու մեղաւոր սերունդին մէջ, մարդու Որդին ալ ամօթ պիտի սեպէ զայն դաւանիլը՝ երբ գայ իր Հօր փառքով սուրբ հրեշտակներուն հետ»: **39** Եւ ըսաւ անոնց. «Ճշմարտապէս կը յայտարարեմ ձեզի. “Հոս ներկայ եղողներէն կան ոմանք՝ որ մահ պիտի չհամտեսեն, մինչեւ որ տեսնեն Աստուծոյ թագաւորութիւնը՝ զօրութեամբ եկած□»:

### ՅԻՍՈՒՍԻ ԱՅԼԱԿԵՐՊՈՒԹԻՒՆԸ

(Մատթ. 17. 1-13: Ղուկ. 9. 28-36)

## 9

Վեց օր ետք՝ Յիսուս առաւ իրեն հետ Պետրոսը, Յակոբոսն ու Յովհաննէսը, հանեց զանոնք բարձր լեռ մը՝ առանձին, եւ այլակերպեցաւ անոնց առջեւ: **2** Իր հանդերձները փայլուն, չափազանց ճերմակ եղան՝ ծիւնի պէս, այնպէս որ երկրի վրայ ո՛չ մէկ թափիչ կրնար այրպէս ճերմկցնել: **3** Ու եղիա երեւցաւ անոնց՝ Սովուսի հետ, եւ կը խօսակցէին Յիսուսի հետ: **4** Ապա Պետրոս ըսաւ Յիսուսի. «Ուաբբի՛, լաւ է որ կենանք հոս եւ շինենք երեք վրան, մէկը՝ քեզի, մէկը՝ Սովուսի ու մէկը՝ Եղիայի»: **5** Որովհետեւ չէր գիտեր թէ ի՞նչ կը խօսի, քանի որ զարհուրած էին: **6** Ամպ մը հովանի եղաւ անոնց վրայ, եւ ծայն մը եկաւ ամպէն՝ ըսելով. «Այս է իմ սիրելի Որդիս, անո՛ր մտիկ ըրէք»: **7** Յանկարծ, երբ իրենց շուրջը նայեցան, ուրիշ ո՛չ մէկը տեսան, հապա միայն Յիսուսը՝ իրենց հետ: **8** Երբ վար կ'իջնէին լեռնէն, պատուիրեց անոնց՝ որ ո՛չ մէկուն պատմեն իրենց տեսածը, բայց միայն՝ մարդու Որդիին մեռելներէն յարութիւն առնելէն ետք: **9** Անոնք պահեցին այդ խօսքը, ու կը հարցնէին իրարու թէ ի՞նչ կը նշանակէ «մեռելներէն յարութիւն առնել□»: **10** Եւ հարցուցին իրեն. «Ինչո՞ւ դպիրները կ'ըսեն թէ՝ “պէտք է որ նախ Եղիա գայ□»»: **11** Ան ալ պատասխանեց անոնց. «Արդարեւ նախ Եղիա կու գայ ու կը վերահաստատէ ամէն բան. ի՞նչպէս գրուած է մարդու Որդիին մասին՝ թէ պէտք է շատ չարչարանքներ կրէ եւ անարգուի: **12** Բայց կ'ըսեմ ձեզի թէ Եղիա եկաւ ալ, ու ինչ որ ուզեցին՝ ըրին անոր, ինչպէս գրուած էր իր մասին»:

### ՅԻՍՈՒՍ ԿԸ ԲՈՒԺԷ ԶԱՐ ՈԳԻ ՈՒՆԵՑՈՂ ՏՂԱՅ ՄԸ

(Մատթ. 17. 14-21: Ղուկ. 9. 37-44ա)

**13** Աշակերտներուն քով գալով՝ տեսաւ մեծ բազմութիւն մը անոնց շուրջը, ու դպիրներ՝ որ կը վիճաբանէին անոնց հետ: **14** Իսկոյն ամբողջ բազմութիւնը՝ երբ տեսաւ զայն՝ շատ այլայլեցաւ, եւ յառաջ վազելով զայն կը բարեւէր: **15** Յիսուս հարցուց դպիրներուն. «Ի՞նչ բանի մասին կը վիճաբանէիք անոնց հետ: **16** Բազմութենէն մէկը պատասխանեց.

## ՄԱՐԿՈՍԻ ԱՒԵՏԱՐԱՆԸ

«Վարդապե՛տ, որդիս՝ որ համր ոգի ունի՝ քեզի բերի: **17** Ո՞ւր որ ալ բռնէ զայն՝ “գետին կը զարնէ” զայն. ինք ալ կը փրփրի, իր ակռաները կը կրծուէ եւ կը ցամքի: Քու աշակերտներուդ ըսի որ հանեն զայն, բայց չկրցան»: **18** Ինք ալ պատասխանեց անոնց. «Ո՞վ անհաւատ սերունդ, մինչեւ ե՞րբ պիտի ըլլամ ձեզի հետ, մինչեւ ե՞րբ պիտի հանդուրժեմ ձեզի. ինծի՛ բերէք զայն»: **19** Իրեն բերին զայն: Երբ տղան տեսաւ զինք, իսկոյն չար ոգին ցնցեց զայն, եւ գետին ինկած՝ կը թաւալէր ու կը փրփրէր: **20** Յիսուս հարցուց անոր հօր. «Ո՞րչափ ատեն է՝ որ այդ բանը պատահեցաւ անոր»: Ան ալ ըսաւ. «Մանկութենէն ի վեր: **21** Յաճախ կրակի ու ջուրի մէջ կը նետէ զայն՝ որպէսզի կորսնցնէ. բայց եթէ կարողութիւն ունիս՝ օգնէ՛ մեզի, գթալով մեր վրայ»: **22** Յիսուս ըսաւ անոր. «Եթէ կրնաս հաւատալ. ամէն բան կարելի է անոր՝ որ կը հաւատայ»: **23** Իսկոյն մանուկին հայրը աղաղակեց եւ արցունքով ըսաւ. «Կը հաւատա՛մ, Տէ՛ր. օգնէ՛ իմ անհաւատութեանս»: **24** Յիսուս՝ երբ տեսաւ թէ բազմութիւնը կը խոնուի շուրջը, սաստեց անմաքուր ոգին եւ ըսաւ անոր. «Հա՛մր ու խո՛կ ոգի, կը հրամայեմ քեզի, ելի՛ր ատկէ, եւ անգա՛մ մըն ալ մի՛ մտներ անոր մէջ»: **25** Ոգին աղաղակելով՝ սաստիկ ցնցեց զայն ու ելաւ. եւ տղան մեռելի պէս եղաւ, այնպէս որ շատեր ըսին. «Մեռա՛ւ»: **26** Իսկ Յիսուս անոր ձեռքէն բռնելով՝ ոտքի հանեց զայն, ան ալ կանգնեցաւ: **27** Երբ ինք տուն մտաւ, իր աշակերտները առանձին հարցուցին իրեն. «Մե՛նք ինչո՞ւ չկրցանք հանել զայն»: **28** Ըսաւ անոնց. «Այդ տեսակը կարելի չէ ուրիշ բանով հանել, բայց միայն աղօթքով ու ծոմապահութեամբ»:

## ՅԻՍՈՒՍ ԴԱՐՁԵԱԼ ԿԸ ԽՕՍԻ ԻՐ ՄԱՀՈՒԱՆ ՄԱՍԻՆ

(Մատթ. 17. 22-23: Ղուկ. 9. 43բ-45)

**29** Անկէ մեկնելով՝ Գալիեայի մէջէն կ'անցնէին, եւ չէր ուզեր որ մէ՛կը գիտնայ. **30** որովհետեւ կը սորվեցնէր իր աշակերտներուն ու կ'ըսէր անոնց. «Մարդու Որդին պիտի մատնուի մարդոց ձեռքը, պիտի սպաննեն զայն, ու երբ սպաննուի՝ յարութիւն պիտի առնէ երրորդ օրը»: **31** Անոնք չէին հասկնար այդ խօսքը, եւ կը վախնային հարցնել իրեն:

## Ո՞Վ Է ՄԵԾԸ

(Մատթ. 18. 1-5: Ղուկ. 9. 46-48)

**32** Եկաւ Կափառնայում. ու երբ տուն մտաւ՝ հարցուց անոնց. «Ի՞նչ բանի մասին կը մտածէիք ճամբան՝ իրարու հետ»: **33** Անոնք լուռ կեցան, որովհետեւ ճամբան վիճաբանած էին իրարու հետ՝ թէ ո՞վ է մեծագոյնը: **34** Երբ նստաւ, կանչեց տասներկուքը եւ ըսաւ անոնց. «Եթէ մէկը ուզէ առաջին ըլլալ, բոլորին յետինը թող ըլլայ, ու բոլորին սպասարկուն»: **35** Եւ առաւ մանուկ մը, կայնեցուց անոնց մէջտեղ, ապա իր գիրկը առնելով զայն՝ ըսաւ անոնց. **36** «Ո՞վ որ կ'ընդունի այսպիսի մանուկներէն մէկը՝ իմ անունովս, զի՞ս կ'ընդունի. եւ ո՞վ որ զիս կ'ընդունի, ո՞չ թէ զի՞ս կ'ընդունի, հապա՝ զիս դրկո՛ղը»:

## ՈՎ ՈՐ ՄԵԶԻ ԴԵՄ ՉԵՄ ՄԵԶԻ ՀԵՏ Է

(Ղուկ. 9. 49-50)

“Յուն.” կը պոռթկացնէ

**37** Յովհաննէս ըսաւ անոր. «Վարդապե՛տ, տեսանք մէկը որ դեւեր կը հանէր քու անունովի, բայց մեզի չի հետեւիր: Արգիլեցինք զայն, քանի որ մեզի չի հետեւիր»: **38** Յիսուս ըսաւ. «Մի՛ արգիլէք զայն, որովհետեւ չկայ մէկը՝ որ իմ անունովս հրաշք գործէ, ու կարենայ շուտով զիս անիծել. **39** ա՛ն որ բմեզի հակառակ չէ, մեր՝ **Կողմէց** է: **40** Ա՛ն որ ձեզի գաւաթ մը ջուր խմցնէ <sup>Գ</sup> “իմ անունովս”, քանի որ դուք քրիստոսի կը պատկանիք, ճշմարտապէս կը յայտարարեմ ձեզի. “Անիկա իր վարձատրութիւնը պիտի չկորսնցնէ՛»:

**ԳԱՅԹԱԿՂՈՒԹԵԱՆ ՀԱՐՑԸ**  
(Մատթ. 18. 6-9: Ղուկ. 17. 1-2)

**41** «Ո՞վ որ գայթակղեցնէ այս պզտիկներէն մէկը՝ որ ինձի կը հաւատայ, աւելի լաւ պիտի ըլլար՝ որ ջաղացքի քար մը կախուէր անոր վիզէն, եւ ծովը նետուէր:

**42** Եթէ ձեռքդ կը գայթակղեցնէ քեզ՝ կտրէ՛ զայն. **աւելի** լաւ է քեզի՝ պակասաւոր մտնել կեանքը, քան երկու ձեռք ունենալ ու երթալ գեհենը՝ անշէջ կրակին մէջ, **43** ուր անոնց որդը չի վախճանիր եւ կրակը չի մարիր: **44** Եթէ ոտքդ կը գայթակղեցնէ քեզ՝ կտրէ՛ զայն. **աւելի** լաւ է քեզի՝ կա՛ն մտնել կեանքը, քան երկու ոտք ունենալ ու նետուիլ գեհենը՝ անշէջ կրակին մէջ, **45** ուր անոնց որդը չի վախճանիր եւ կրակը չի մարիր: **46** Եթէ աչքդ կը գայթակղեցնէ քեզ՝ հանէ՛ զայն. **աւելի** լաւ է քեզի՝ մէ՛կ աչքով մտնել Աստուծոյ թագաւորութիւնը, քան երկու աչք ունենալ ու նետուիլ գեհենի կրակը, **47** ուր անոնց որդը չի վախճանիր եւ կրակը չի մարիր: **48** Որովհետեւ իւրաքանչիւրը կրակով պիտի աղուի, ու ամէն զոհ աղով պիտի աղուի: **49** Աղը լաւ է. բայց եթէ աղը դառնայ անհամ, ինչո՞վ պիտի համեմէք զայն. ձեր մէջ ա՛ն ունեցէք, եւ իրարու հետ խաղա՛ն եղէր»:

**ԱՄՈՒՍՆԱԼՈՒԾՈՒՄԻ ՄԱՍԻՆ**  
(Մատթ. 19. 1-2: Ղուկ. 16. 18)

## 10

Կանգնելով՝ անկէ գնաց Հրէաստանի հողամասը, Յորդանանի միւս եզերքէն: Դարձեալ բազմութիւնները անոր շուրջ կը համախմբուէին, եւ ինչպէս սովորութիւն ունէր՝ դարձեալ կը սորվեցնէր անոնց:

**2** Փարիսեցիները եկան անոր քով ու հարցուցին՝ փորձելու համար զայն. «Արտօնուած՝ է մարդու մը՝ որ արձակէ **իր** կինը»: **3** Ան ալ պատասխանեց անոնց. «Մովսէս ի՞նչ պատուիրեց ձեզի»: **4** Անոնք ըսին. «Մովսէս արտօնեց ամուսնալուծումի վկայագիր մը գրել եւ արձակել»: **5** Յիսուս պատասխանեց անոնց. «Զեր սիրտին կարծրութեա՛ն համար գրեց ձեզի այդ պատուէրը. **6** բայց արարչութեան սկիզբէն՝ Աստուած զանոնք արու եւ էգ ստեղծեց: **7** “Այս պատճառով մարդը պիտի թողու հայրն ու մայրը, եւ պիտի յարի իր կնոց, **8** ու երկուքը պիտի ըլլան մէ՛կ <sup>Պ</sup> մարմին: **9**

<sup>Բ</sup> **Ոմանք**՝ ձեզի հակառակ չէ, ձեր

<sup>Գ</sup> **Ոմանք**՝ այս անունով

<sup>Կ</sup> **Կամ** միւս

## ՄԱՐԿՈՍԻ ԱՒԵՏԱՐԱՆԸ

ուրեմն մարդը թող չզատէ ինչ որ Աստուած իրարու միացուցած է»: **10** Տունը՝ իր աշակերտները դարձեալ նոյն բանը հարցուցին իրեն: **11** Ըսաւ անոնց. «Ո՞վ որ արձակէ իր կինը եւ ամուսնանայ ուրիշի մը հետ՝ շնութիւն կ'ընէ անոր դէմ: **12** Ու եթէ կին մը արձակէ իր ամուսինը եւ ամուսնանայ ուրիշի մը հետ՝ շնութիւն կ'ընէ»:

### ՅԻՍՈՒԽ Կ'ՕՐՀՆԷ ՄԱՆՈՒԿՆԵՐԸ

(Մատթ. 19. 13-15: Ղուկ. 18. 15-17)

**13** Մանուկներ բերին իրեն՝ որպէսզի դպչի անոնց. բայց աշակերտները կը յանդիմանէին բերողները: **14** Երբ Յիսուս տեսաւ, ընդվզելով ըսաւ անոնց. «Թո՞յլ տուեք այդ մանուկներուն՝ որ գան ինծի, եւ մի՛ արգիլէք զանոնք, որովհետեւ Աստուծոյ թագաւորութիւնը այդպիսիներունն է: **15** Ճշմարտապէս կը յայտարարեմ ձեզի. «Ո՞վ որ չընդունի Աստուծոյ թագաւորութիւնը պզտիկ մանուկի մը պէս, բնա՛ւ պիտի չմտնէ անոր մէջ»: **16** Ու գիրկը առաւ զանոնք, ձեռք դրաւ անոնց վրայ եւ օրհնեց զանոնք:

### ՀԱՐՈՒՍ ՄԱՐԴԸ

(Մատթ. 19. 16-30: Ղուկ. 18. 18-30)

**17** Երբ ան դուրս ելաւ, ճամբան մարդ մը վագեց, ծնրադրեց անոր առջեւ ու հարցուց անոր. «Բարի՛ վարդապետ, ի՞նչ ընեմ՝ որ ժառանգեմ յախտենական կեանքը»: **18** Յիսուս ըսաւ անոր. «Ինչո՞ւ բարի կը կոչես զիս. մէկէ՛ն զատ բարի չկայ, որ Աստուած է: **19** Գիտե՞ս պատուիրանները. շնութիւն մի՛ ըներ, սպանութիւն մի՛ ըներ, գողութիւն մի՛ ըներ, սուս վկայութիւն մի՛ տար, զրկանք մի՛ ըներ, պատուէ՛ հայրդ ու մայրդ»: **20** Ան ալ պատասխանեց անոր. «Վարդապետ, պահած եմ այդ բոլորը՝ պատանութենէս ի վեր»: **21** Յիսուս անոր նայելով՝ սիրեց զայն եւ ըսաւ անոր. «Մէ՛կ բան կը պակսի քեզի. գնա՛, ծախէ՛ ունեցածդ, տո՞ւր աղքատներուն, ու գանձ պիտի ունենաս երկինքը. ապա վերցո՞ւր խաչը ու հետեւէ՛ ինծի»: **22** Ան ալ այս խօսքին համար խոժոռելով՝ տրտմած գնաց, որովհետեւ շատ ստացուածք ունէր: **23** Յիսուս՝ շուրջը նայելով՝ ըսաւ իր աշակերտներուն. «Ո՛րչափ դժուար է Աստուծոյ թագաւորութիւնը մտնել անոնց՝ որ դրամ ունին»: **24** Աշակերտները այլայլեցան անոր խօսքերէն. բայց Յիսուս դարձեալ ըսաւ անոնց. «Զաւակնե՛ր, ո՛րչափ դժուար է Աստուծոյ թագաւորութիւնը մտնել՝ **իրենց** դրամին վստահողներուն: **25** Դիրին է որ ո՛ւղտը ասեղին ծակէն անցնի, քան թէ հարուստը Աստուծոյ թագաւորութիւնը մտնէ»: **26** Անոնք չափազանց ապշեցան եւ ըսին իրարու. «Ա՛լ ո՞վ կրնայ փրկուլի»: **27** Յիսուս նայելով անոնց՝ ըսաւ. «Ատիկա անկարելի է մարդոց քով, բայց ոչ՝ Աստուծոյ քով. քանի որ ամէն բան կարելի է Աստուծոյ քով»: **28** Պետրոս սկսաւ ըսել անոր. «Ահա՛ մենք թողուցինք ամէն ինչ եւ հետեւեցանք քեզի»: **29** Յիսուս պատասխանեց. «Ճշմարտապէս կը յայտարարեմ ձեզի. «Զկայ մէկը՝ որ թողուցած ըլլայ տում, եղբայրներ, քոյրեր, հայր, մայր, կին, զաւակներ, կամ արտեր՝ ինծի եւ աւետարանին համար, **30** ու չստանայ հարիւրապատի՛կը հիմա՝ այս ատեն՝ տուներ, եղբայրներ, քոյրեր, մայրեր, զաւակներ եւ արտեր՝ հալածանքներու հետ, ու յախտենական կեանքը՝ գալիք աշխարհին մէջ»: **31** Բայց շատ առաջիններ պիտի ըլլան յետին, եւ յետիններ՝ առաջին»:

### ՅԻՍՈՒԽ ԵՐՐՈՐԴ ԱՆԳԱՄ ԿԸ ԽՈՍԻ ԻՐ ՄԱՆՈՒՍ ՄԱՍԻՆ

(Մատթ. 20. 17-19: Ղուկ. 18. 31-34)

## ՄԱՐԿՈՍԻ ԱՒԵՏԱՐԱՆԸ

**32** Երբ անոնք դէպի երուսաղէմ բարձրացող ճամբան էին, Յիսուս անոնց առջեւէն կ'երթար: Անոնք այլայլած էին ու հետեւելով՝ կը վախնային: Դարձեալ քովը առնելով տասներկուքը, սկսաւ ըսել անոնց՝ ի՞նչ որ պիտի պատահէր իրեն. **33** «Ահա՝ երուսաղէմ կը բարձրանանք, եւ մարդու Որդին պիտի մատնուի քահանայապետներուն ու դպիրներուն. մահուան պիտի դատապարտեն զայն, հեթանոսներուն պիտի մատնեն զայն, **34** պիտի ծաղրեն ու խարազանեն զայն, պիտի թքնեն անոր վրայ եւ սպաննեն զայն. բայց յարութիւն պիտի առնէ երրորդ օրը»:

### ՅԱԿՈԲՈՍԻ ԵՒ ՅՈՎԱՆՆԵՍԻ ԽՆԴՐԱՆՔԸ (Մատթ. 20. 20-28)

**35** Ապա Յակոբոս ու Յովհաննէս՝ Զեբեդէոսի որդիները՝ գացին անոր քով, եւ ըսին. «Վարդապե՛տ, կ'ուզենք որ ի՞նչ որ խնդրենք՝ ընես մեզի համար»: **36** Ան ալ ըսաւ անոնց. «Ի՞նչ կ'ուզէք՝ որ ընեմ ձեզի»: **37** Անոնք ալ ըսին իրեն. «Ծնորհէ՛ մեզի, որ բազմինք մեզմէ մէկը՝ աջ կողմդ, ու միւսը՝ ձախ կողմդ քու փառքիդ մէջ»: **38** Յիսուս ըսաւ անոնց. «Չէք գիտեր ի՞նչ կը խնդրէք: Կրնա՞ք խմել այն բաժակը՝ որ ես կը խմեմ, եւ մկրտուիլ այն մկրտութեամբ՝ որով ես կը մկրտուիմ»: **39** Անոնք ըսին իրեն. «Կրնա՞նք»: Յիսուս ըսաւ անոնց. «Արդարեւ պիտի խմէ՛ք այն բաժակը՝ որ ես կը խմեմ, ու պիտի մկրտուի՛ք այն մկրտութեամբ՝ որով ես կը մկրտուիմ». **40** Բայց իմ աջ կողմս եւ ձախ կողմս բազմիլը՝ իմս չէ տալը, հապա պիտի տրուի անո՞նց՝ որոնց համար պատրաստուած է»: **41** Երբ միւս տասը աշակերտները լսեցին, սկսան ընդվզիլ Յակոբոսի ու Յովհաննէսի դէմ: **42** Իսկ Յիսուս իրեն կանչեց զանոնք եւ ըսաւ անոնց. «Գիտէք թէ հեթանոսներուն իշխան համարուածնե՛րը կը տիրապետեն իրենց վրայ, եւ անոնց մեծամեծնե՛րը կ'իշխեն իրենց վրայ: **43** Բայց այդպէս թող չըլլայ ձեր մէջ. հապա ձեզմէ ո՞վ որ ուզէ մեծ ըլլալ՝ անիկա ձեր սպասարկո՞ւն ըլլայ, **44** ու ձեզմէ ո՞վ որ ուզէ գլխաւոր ըլլալ՝ անիկա բոլորին ստրո՛ւը ըլլայ: **45** Քանի որ մարդու Որդին եկաւ ո՛չ թէ սպասարկութիւն ընդունելու, հապա՝ սպասարկելու եւ իր անձը իբր փրկանք տալու շատերու համար»:

### ՅԻՍՈՒՍ ԿԸ ԲՈՒԺԵ ԿՈՅՐ ԲԱՐՏԻՄԷՈՍԸ (Մատթ. 20. 29-34: Ղուկ. 18. 35-43)

**46** Յետոյ եկան Երիքով: Երբ դուրս կ'ելլէր Երիքովէն՝ աշակերտներով եւ մեծ բազմութեամբ, Տիմէոսի որդին՝ կոյր Բարտիմէոս՝ նստած էր ճամբային եղերքը ու կը մուրար: **47** Երբ լսեց թէ Յիսուս Նազովեցին է, սկսաւ աղաղակել. «Յիսո՞ւս, Դաւիթի՛ Որդի, ողորմէ՛ ինծի»: **48** Շատեր կը հրահանգէին անոր՝ որ լոէ: Բայց ան ա՛լ աւելի կ'աղաղակէր. «Դաւիթի՛ Որդի, ողորմէ՛ ինծի»: **49** Յիսուս կանգ առնելով՝ ըսաւ որ կանչեն զայն: Կանչեցին կոյրը եւ ըսին անոր. «Քաջակերուէ՛, **ոտքի**՝ ելիր, քե՛զ կը կանչէ»: **50** Ան ալ իր հանդերձը նետելով՝ կանգնեցաւ ու եկաւ Յիսուսի: **51** Յիսուս պատասխանեց անոր. «Ի՞նչ կ'ուզեն՝ որ ընեմ քեզի»: Կոյրը ըսաւ. «Ուաբրունի՛, թող բաշքերս բացուին»: **52** Յիսուս ըսաւ անոր. «Գնա՛. հաւատքդ բժշկեց քեզ»: Իսկոյն անոր աշքերը բացուեցան, ու ճամբան կը հետեւէր Յիսուսի:

<sup>բ</sup> Յուն.՝ տեսողութիւնս վերստանամ

## ՄԱՐԿՈՍԻ ԱՒԵՏԱՐԱՆԸ

ՅԻՍՈՒԽԻ ՅԱՂԹԱԿԱՆ ՄՈՒՏՔԸ ԵՐՈՒՍԱՂԵՄ  
(Մատթ. 21. 1-11: Ղուկ. 19. 28-40: Յովհ. 12. 12-19)

11

Երբ մօտեցան Երուսաղէմի, **Եւ հասան** Բեթփագէ ու Բեթանիա, Զիթենիներու լերան մօտ, **Յիսուս** իր աշակերտներէն երկուքը դրկեց՝ ըսելով. **2** «Գացէ՛ք այդ ծեր դիմացի գիտը. անոր մէջ մտնելով՝ իսկոյն պիտի գտնէք կապուած աւանակ մը, որուն վրայ մարդ նստած չէ. արձակեցէ՛ք զայն ու բերէ՛ք: **3** Եթէ մէկը ըսէ ձեզի. “Այդ ի՞նչ կ’ընէք□, ըսէ՛ք. “Տէրոց պէտք է□, եւ իսկոյն հոս պիտի դրկէ զայն»: **4** Գացին ու գտան աւանակը, դուրսը՝ փողոցին մէջ, դրան քով կապուած, եւ արձակեցին զայն: **5** Հոն կայնողներէն ոմանք ըսին իրենց. «Ինչո՞ւ կ’արձակէք այդ աւանակը»: **6** Իրենք ալ պատասխանեցին անոնց ինչպէս Յիսուս պատուիրեր էր, եւ թոյլ տուին իրենց: **7** Երբ աւանակը բերին Յիսուսի, դրին անոր վրայ իրենց հանդերձները, ու նստաւ անոր վրայ: **8** Շատեր իրենց հանդերձները կը փռէին ճամբային վրայ. ուրիշներ ճիւղեր կը կտրէին ծառերէն եւ կը տարածէին ճամբային վրայ: **9** Առջեւէն գացողներն ու **իրենց** հետեւողները կ’աղաղակէին. «Ովսաննա՛. օրհնեալ է ա՛՛ որ կու գայ Տէրոց անունով: **10** Օրհնեալ է մեր Դաւիթ հօր թագաւորութիւնը՝ որ “կու գայ”։ Ովսաննա՛ ամենաբարձր վայրերուն մէջ»։

**11** Յիսուս մտաւ Երուսաղէմ ու **գնաց** տաճարը: Երբ շուրջը նայեցաւ՝ ամէն բանի վրայ, արդէն իրիկուան ժամը ըլլալուն՝ մեկնեցաւ Բեթանիա տասներկութիւն հետ:

ՅԻՍՈՒԽ Կ’ԱՆԻՇԷ ԹՁԵՆԻՆ

(Մատթ. 21. 18-19)

**12** Հետեւեալ օրը՝ երբ կ’ելլէին Բեթանիայէն՝ անօթեցաւ, **13** եւ հեռուէն տեսնելով տերեւալից թգենի մը՝ գնաց, որ թերեւս բան մը գտնէ վրան. բայց երբ գնաց անոր քով, ոչինչ գտաւ՝ տերեւներէն զատ, որովհետեւ դեռ թուզի ատենը չէր: **14** <sup>բ</sup>Ուստի ըսաւ անոր. «Ասկէ ետք ո՛չ մէկը պտուղ ուտէ քեզմէ յակիտեան»։ Եւ իր աշակերտները լսեցին:

ՅԻՍՈՒԽ Կ’ԵՐԹԱՅ ՏԱՃԱՐԸ

(Մատթ. 21. 12-17: Ղուկ. 19. 45-48: Յովհ. 2. 13-22)

**15** Երբ հասան Երուսաղէմ, տաճարը մտնելով՝ Յիսուս դուրս հանեց տաճարին մէջ ծախողներն ու գնողները, տապալեց լումայափոխներուն սեղանները եւ աղաւնի ծախողներուն աթոռները, **16** ու թոյլ չտուաւ որ մէ՛կը անօ՛թ մը անցընէ տաճարին մէջէն: **17** Եւ սորվեցուց անոնց՝ ըսելով. «Միթէ գրուած չէ՞»։ “Իմ տունս աղօթքի տուն պիտի կոչուի բոլոր ազգերուն□. բայց դուք զայն աւազակներու քարայր ըրիք»։ **18** Դպիրներն ու քահանայապետները լսելով **ասիկա**՝ կը փնտոէին թէ ի՞նչպէս կորսնցնեն զայն, քանի կը վախնային անկէ. որովհետեւ ամբողջ բազմութիւնը ապշած էր անոր ուսուցումին վրայ: **19** Երբ իրիկուն եղաւ՝ քաղաքէն դուրս ելաւ:

ԹՁԵՆԻՆ ԴԱՍԸ

<sup>ա</sup> **Ոմանը**՝ Տէրոց անունով կու գայ

<sup>բ</sup> **Ոմանը**՝ Եւ Յիսուս

**20** Առտուն՝ երբ կ'անցնէին **աճկէ**, տեսան թգենին՝ արմատէն չորցած: **21** Պետրոս վերյիշեց եւ ըսաւ անոր. «Ռաբբի՛, ահա՛ թգենին որ անիծեցիր՝ չորցած է»: **22** Յիսուս պատասխանեց անոնց. «Հաւա՛տք ունեցէք Աստուծոյ վրայ: **23** Որովհետեւ ճշմարտապէս կը յայտարարեմ ձեզի. «Ո՞վ որ ըսէ այս լերան. «Ելի՛ր ու ծո՛վը նետուէ», եւ չտատամսի իր սիրտին մէջ, հապա հաւատայ թէ ի՛նչ որ ըսէ՝ կ'ըլլայ, պիտի ըլլայ անոր՝ ի՛նչ որ ըսէ<sup>□</sup>: **24** Ուստի կը յայտարարեմ ձեզի. «Ի՛նչ որ կը խնդրէք աղօթքով, հաւատացէ՛ք թէ պիտի ստանաք, ու պիտի ըլլայ ձեզի<sup>□</sup>: **25** Երբ կայնիք աղօթքի, ներեցէ՛ք՝ եթէ մէկուն դէմ բան մը ունիք, որպէսզի ձեր Հայրն ալ՝ որ երկինքն է՝ ներէ ձեզի ձեր յանցանքները: **26** Իսկ եթէ դուք չներէք, ձեր Հայրն ալ՝ որ երկինքն է՝ պիտի չներէ ձեր յանցանքները»:

## ՅԻՍՈՒՍԻ ՀԵՂԻՆԱԿՈՒԹԵԱՆ ՀԱՐՑԸ

(Մատթ. 21. 23-27: Ղուկ. 20. 1-8)

**27** Դարձեալ եկան Երուսաղէմ: Երբ կը քալէր տաճարին մէջ, քահանայապէտները, դպիրներն ու երկցները եկան անոր, **28** եւ ըսին. «Ի՞նչ իշխանութեամբ կ'ընես այդ բաները. ո՞վ տուաւ քեզի այդ իշխանութիւնը՝ որ ընես այդ բաները»: **29** Յիսուս պատասխանեց անոնց. «Ես ալ ձեզի՝ հարցնեմ բան մը. պատասխանեցէ՛ք ինծի, ու ես պիտի ըսեմ ձեզի թէ ի՛նչ իշխանութեամբ կ'ընեմ այդ բաները: **30** “Յովհաննէսի մկրտութիւնը երկինքէ՞ն էր՝ թէ մարդոցմէ<sup>□</sup>: Պատասխանեցէ՛ք ինծի»: **31** Անոնք կը մտածէին իրենց մէջ՝ ըսելով. «Եթէ պատասխանենք. “Երկինքէն<sup>□</sup>, պիտի ըսէ. “Հապա ինչո՞ւ չհաւատացիք անոր<sup>□</sup>: **32** Իսկ եթէ պատասխանենք. “Մարդոցմէ<sup>□</sup>... »: Կը վախնային ժողովուրդէն, որովհետեւ բոլորը իրապէս մարգարէ “կը նկատէին” Յովհաննէսը: **33** Ուստի պատասխանեցին Յիսուսի. «Չենք գիտեր»: Յիսուս ալ պատասխանեց անոնց. «Ես ալ չեմ ըսեր ձեզի թէ ի՛նչ իշխանութեամբ կ'ընեմ այդ բաները»:

## ԱՅԳԻԻՆ ՄՇԱԿՆԵՐՈՒՆ ԱՌԱԿԸ

(Մատթ. 21. 33-46: Ղուկ. 20. 9-19)

## 12

Ապա սկսաւ առակներով խօսիլ անոնց հետ **ու ըսել**. «Մարդ մը այգի տնկեց, ցանկ քաշեց անոր շուրջը, հնձանի փոս փորեց, աշտարակ կառուցանեց, մշակներու յանձնեց զայն, եւ ճամբորդեց: **2** Ասենին ծառայ մը դրկեց մշակներուն, որպէսզի մշակներէն ստանայ այգիին պտուղէն: **3** Իսկ անոնք բռնեցին, ծեծեցին զայն ու պարապ ճամբեցին: **4** Դարձեալ ուրիշ ծառայ մըն ալ դրկեց անոնց. զայն ալ քարկոծելով՝ գլուխը վիրաւորեցին եւ անպատուուած ճամբեցին: **5** Դարձեալ ուրիշ մը դրկեց, ու զայն սպաննեցին: **6** Տատ ուրիշներ ալ դրկեց, որոնցմէ ոմանք ծեծեցին եւ ոմանք սպաննեցին: **7** Տակաւին սիրելի որդի մը ունէր. վերջապէս զայն ալ դրկեց անոնց՝ ըսելով. “Թերեւս պատկառին որդիէս<sup>□</sup>: **7** Բայց այդ մշակները ըսին իրարու. “Այս է ծառանգորդը. եկէ՛ք սպաննենք զայն, ու ծառանգորդիւնը մե՛րը պիտի ըլլայ<sup>□</sup>: **8** Բռնեցին զայն, սպաննեցին եւ այգիէն դուրս

<sup>4</sup> Յուն.՝ ունէին

## ՄԱՐԿՈՍԻ ԱԻԵՏԱՐԱՆԸ

հանեցին: **9** Ուրեմն այգիին տէրը ի՞նչ պիտի ընէ. պիտի գայ ու կորսնցնէ մշակները, եւ այգին պիտի տայ ուրիշներու: **10** Չէ՞ք կարդացեր սա՛ գրուածը. “**Այս** քարը՝ որ կառուցանողները մերժեցին, անիկա՛ եղաւ “անկիւնաքարը. **11** ասիկա Տէրոցմէ՛ն եղաւ, եւ սքանչելի է մեր աչքերուն»:

**12** Անոնք կը զանային բռնել զայն, բայց բազմութենէն կը վախնային. որովհետեւ գիտցան թէ այդ առակը խօսեցաւ իրենց դէմ: Ուստի թողուցին զայն, եւ գացին:

### ՏՈՒՐՅ ՎՃԱՐԵԼՈՒ ՀԱՐՑԸ (Մատթ. 22. 15-22: Ղուկ. 20. 20-26)

**13** Փարիսեցիներէն ու Հերովդէսեաններէն ոմանք դրկեցին անոր, որպէսզի խօսքով բռնեն զայն: **14** Անոնք եկան եւ ըսին անոր. «Վարդապե՛տ, գիտենք թէ ճշմարտախոս ես, ու ո՛չ մէկուն համար հոգ կ'ընես. քանի որ երեսպաշտութիւն չես ըներ մարդոց, հապա ճշմարտութեամբ կը սորվեցնես Աստուծոյ ճամբան: Արտօնուա՞ծ է կայսրին տուրք տալ. տա՞նք՝ թէ չտանք»: **15** Յիսուս գիտնալով անոնց կեղծաւորութիւնը՝ ըսաւ անոնց. «Ինչո՞ւ զիս կը փորձէք: Բերէ՛ք ինծի դահեկան մը՝ որ տեսնեմ»: **16** Անոնք ալ բերին: Ըսաւ անոնց. «Որո՞ւնն են այս պատկերն ու գրութիւնը»: Անոնք ըսին իրեն. «Կայսրին»: **17** Յիսուս ալ պատասխանեց անոնց. «Ինչ որ կայսրինն է՝ կայսրին տուէք, եւ ինչ որ Աստուծոյ է՝ Աստուծոյ՝ [տուէք]»: Ու զարմացան իր վրայ:

### ՅԱՐՈՒԹԵԱՆ ՀԱՐՑԸ (Մատթ. 22. 23-33: Ղուկ. 20. 27-40)

**18** Սադուկեցիներն ալ, որոնք կ'ըսեն թէ յարութիւն չկայ, եկան անոր քով եւ հարցուցին իրեն. **19** «Վարդապե՛տ, Մովսէս գրեց մեզի. “Եթէ մէկուն եղբայրը մեռնի, ու կինը **այրի** ծգէ եւ զաւակ չթողու, անոր եղբայրը թող առնէ անոր կինը ու զարմ տայ իր եղբօր»: **20** Ուրեմն եօթը եղբայրներ կային. առաջինը կին առաւ եւ մեռաւ, ու զարմ չթողուց: **21** Երկրորդը առաւ զայն եւ մեռաւ. ա՛ն ալ զարմ չթողուց. նոյնպէս ալ երրորդը: **22** Եօթն ալ զայն առին ու զարմ չթողուցին. բոլորէն ետք՝ կինն ալ մեռաւ: **23** Ուրեմն յարութեան ատեն, երբ յարութիւն առնեն, անոնցմէ որո՞ւն կինը պիտի ըլլայ. որովհետեւ եօթն ալ ունեցան զայն իբր կին»: **24** Յիսուս պատասխանեց անոնց. «Արդեօք դուք մոլորած չէ՞ք՝ քանի որ ո՛չ Գիրքերը գիտէք, ո՛չ ալ Աստուծոյ գօրութիւնը: **25** Արդարեւ երբ մեռելներէն յարութիւն առնեն, ո՛չ կ'ամուսնանան եւ ո՛չ ամուսնութեան կը տրուին, հապա երկինքի հրեշտակներուն պէս կ'ըլլան: **26** Բայց մեռելներուն մասին՝ թէ յարութիւն կ'առնեն, Մովսէսի գիրքին մէջ չէ՞ք կարդացեր, թէ ի՞նչպէս Աստուած մորենիին մէջէն խօսեցաւ անոր՝ ըսելով. “Ե՛ս եմ Աբրահամի Աստուածը, իսահակի Աստուածը եւ Յակոբի Աստուածը»: **27** Ան մեռելներուն Աստուածը չէ, հապա՝ ողջերուն. ուրեմն դուք շատ մոլորած էք»:

### ՄԵԾ ՊԱՏՈՒԻԻՐԱՆԸ (Մատթ. 22. 34-40: Ղուկ. 10. 25-28)

“**Յուն.**՝ անկիւնին գլուխը

## ՄԱՐԿՈՍԻ ԱԻԵՏԱՐԱՆԸ

28 Դպիրներէն մէկը մօտեցաւ, մտիկ ըրաւ անոնց՝ երբ կը վիճաբանէին, ու նշմարելով թէ լաւ պատասխանեց անոնց՝ հարցուց անոր. «Ո՞րն է բոլոր պատուիրաններուն առաջինը»: 29 Յիսուս պատասխանեց անոր. «Բոլոր պատուիրաններուն առաջինը **սա՛ է.** «Մտի՛կ ըրէ, **ո՞վ** հսրայէլ. **Տէրը՝** մեր Աստուածը՝ միա՛կ **Տէրն է:** 30 Սիրէ՛ **Տէրը՝** քու Աստուածդ՝ ամբողջ սիրտովդ, ամբողջ անձովդ, ամբողջ միտքովդ եւ ամբողջ գօրութեամբդ:<sup>1</sup> Այս է առաջին պատուիրանը: 31 Ու երկրորդը՝ ասոր նման. «Սիրէ՛ ընկերոդ քու անձիդ» պէս:<sup>2</sup> Ասոնցմէ մեծ ուրիշ պատուիրան չկայ»: 32 Դպիրը ըսաւ անոր. «Լա՛, վարդապե՛տ, ճշմարտութեամբ ըսիր թէ Աստուած մէ՛կ է, եւ անկէ զատ ուրիշ մը չկայ. 33 ճանեւ ամբողջ սիրտով, ամբողջ խելքով, ամբողջ անձով ու ամբողջ գօրութեամբ զայն սիրելը, եւ ընկերը իրեն պէս սիրելը՝ բոլոր ողջակէզներէն ու գոհերէն աւելի է»: 34 Յիսուս՝ տեսնելով որ ան խելամտութեամբ պատասխանեց, ըսաւ անոր. «Աստուծոյ թագաւորութենէն հեռու չես»: Եւ ա՛լ ուրիշ ո՛չ մէկը կը յանդգնէր **բան մը** հարցնել անոր:

### ՄԵՍԻԱՅԻՆ ՀԱՐՑԸ

(Մատթ. 22. 41-46: Ղուկ. 20. 41-44)

35 Երբ Յիսուս կը սորվեցնէր տաճարին մէջ՝ ըսաւ. «Դպիրները ի՞նչպէս կ'ըսեն թէ <sup>«Գ</sup>քրիստոս Դաւիթի որդին է»:<sup>3</sup> 36 Արդարեւ ի՞նք՝ Դաւիթ՝ Սուլբ Հոգիով կ'ըսէ. «Տէրը ըսաւ իմ **Տէրոցս.** «Բազմէ՛ իմ աջ կողմս, մինչեւ որ քու թշնամիներդ պատուանդան դնեմ ոտքերուդ»:<sup>4</sup> 37 Ուրեմն ի՞նք՝ Դաւիթ՝ **Տէր** կը կոչէ զայն. ի՞նչպէս ան կ'ըլլայ իր որդին»: Բազմութենէն շատեր հաճոյքով մտիկ կ'ընէին անոր:

### ՅԻՍՈՒՍ ԿԸ ԶԳՈՒՇԱՑՆԵ ԴՊԻՐՆԵՐԷՆ

(Մատթ. 23. 1-36: Ղուկ. 20. 45-47)

38 Իր ուսուցումին մէջ կ'ըսէր անոնց. «Զգուշացէ՛ք դպիրներէն, որոնք կ'ուզեն երկայն հանդերձներով շրջիլ, **կը փնտռեն** բարեւները՝ հրապարակներուն վրայ, **39** առաջին աթոռները՝ ժողովարաններու մէջ, եւ առաջին բազմոցները՝ ընթրիքներու մէջ. **40** որոնք կը լափեն այրիներուն տուները, ու իբր պատրուակ՝ աղօթքը կ'երկարեն: Ասոնք աւելի՝ <sup>«</sup>խստութեամբ պիտի դատուին»»:

### ԱՅՐԻԻՆ ԸՆԾԱՆ

(Ղուկ. 21. 1-4)

41 Յիսուս գանձանակին դիմաց նստած՝ կը նայէր թէ բազմութիւնը գանձանակին մէջ ի՞նչպէս դրամ կը ձգէ: Շատ հարուստներ՝ շատ բան ձգեցին: 42 Աղքատ այրի մըն ալ եկաւ ու երկու լումայ ձգեց, որ նաքարակիտ մը կ'ընէ: 43 Իր աշակերտները կանչելով

<sup>1</sup> Յուն.՝ քեզի

<sup>2</sup> Այսիհետ.՝ Օծեալը, Եբր.՝ Մեսիան

<sup>3</sup> Յուն.՝ առաստութեամբ դատաստան պիտի ստանան

## ՄԱՐԿՈՍԻ ԱԻԵՏԱՐԱՆԸ

իրեն՝ ըսաւ անոնց. «Ճշմարտապէս կը յայտարարեմ ձեզի թէ այս աղքատ այրին՝ գանձանակը դրամ ծգողներուն բոլորէն աւելի ծգեց. **44** որովհետեւ բոլորը իրենց առատութենէն ծգեցին, բայց ան՝ իր կարօտութենէն՝ ծգեց իր ամբողջ ունեցածը, իր ամբողջ ապրուստը»:

### ՅԻՍՈՒԽ ԿԸ ԽՈՍԻ ՏԱՃԱՐԻՆ ԱԻԵՐՈՒԽԻՆ ՄԱՍԻՆ (Մատթ. 24. 1-2: Ղուկ. 21. 5-6)

## 13

Մինչ դուրս կ'ելլէր տաճարէն, իր աշակերտներէն մէկը ըսաւ իրեն. «Վարդապետ, տե՛ս ինչպիսի՞ քարեր են, եւ ի՞նչ տեսակ շէնքեր»: **2** Յիսուս պատասխանեց անոր. «Կը տեսնե՞ս այդ մեծ շէնքերը. քար քարի վրայ պիտի չմնայ, **ամէնը** պիտի քակուի»:

### ՏԱՌԱՊԱՆՁԵՆԵՐ ԵՒ ՀԱԼԱԾԱՆՁԵՆԵՐ (Մատթ. 24. 3-14: Ղուկ. 21. 7-19)

**3** Մինչ ան նստած էր Զիթենիներու լեռը՝ տաճարին դիմաց, Պետրոս, Յակոբոս, Յովհաննէս ու Անդրէաս հարցուցին իրեն՝ առանձին. **4** «Ըսէ՛ մեզի, ե՞րբ պիտի ըլլայ ատիկա, եւ ի՞նչ նշան պիտի ըլլայ այդ բոլորին կատարուելու ատենը»: **5** Յիսուս պատասխանելով անոնց՝ սկսաւ ըսել. «Զգուշացէ՛ք որ ո՛չ մէկը մոլորեցնէ ձեզ. **6** որովհետեւ շատե՛ր պիտի գան իմ անունովս՝ ըսելով. “Ե՞ս եմ **Քրիստոսը**□, ու պիտի մոլորեցնեն շատերը: **7** Բայց երբ լսէք պատերազմներու մասին, եւ պատերազմներու տարածայնութիւններ՝ մի՛ վրդովիք, որովհետեւ պէտք է որ **այս ամէնը** ըլլայ, բայց դեռ վախճանը չէ: **8** Արդարեւ ազգ ազգի դէմ պիտի ելլէ, ու թագաւորութիւն՝ թագաւորութեան դէմ, եւ տեղ-տեղ երկրաշարժներ պիտի ըլլան. սովեր ու խառնակութիւններ ալ պիտի ըլլան: Ասոնք ցաւերուն սկիզբն են: **9** Զգուշացէ՛ք դուք ձեզի համար. քանի որ ատեաններու պիտի մատնեն ձեզ, ժողովարաններու մէջ պիտի ծեծեն ձեզ, ու կառավարիչներու եւ թագաւորներու առջեւ պիտի կենաք՝ իմ պատճառովս, անոնց վկայութիւն ըլլալու համար: **10** Բայց նախ պէտք է որ աւետարանը քարոզովի բոլոր ազգերուն: **11** Իսկ երբ մատնելու տանին ձեզ, նախապէս մի՛ մտահոգուիք թէ ի՞նչ պիտի խօսիք, ո՛չ ալ խոկացէք. հապա այդ ժամուն ինչ որ ձեզի տրուի՝ զայն խօսեցէք. որովհետեւ ո՛չ թէ դուք էք որ պիտի խօսիք, հապա Սուլը Հոգին»:

### ՍՈՍԿԱԼԻ ԱԻԵՐՈՒԽՆԵՐ (Մատթ. 24. 15-28: Ղուկ. 21. 20-24)

**12** «Եղբայրը մահուան պիտի մատնէ եղբայրը, ու հայրը՝ զաւակը. եւ զաւակներ պիտի ելլեն **իրենց** ծնողներուն դէմ ու մեղցնեն զանոնք: **13** Բոլորին ատելի պիտի ըլլաք իմ անունիս համար: Բայց ո՛վ որ տոկայ մինչեւ վախճանը՝ անհիկա՛ պիտի փրկուի: **14** Երբ տեսնէք թէ “աւերողին աղծութիւնը” – որու մասին Դանիէլ մարգարէին միջոցով խօսուած է – հաստատուած է հո՛ն ուր պէտք չէ ըլլար, (ո՛վ որ կարդայ՝ թող հասկնայ,) այն ատեն Հրէաստանի մէջ եղողները լեռները թող փախչին: **15** Ա՛ն որ տանիքին վրայ է՛ թող չիշնէ

“**Յուն.**՝ աւերումին գարշութիւնը

## ՄԱՐԿՈՍԻ ԱՒԵՏԱՐԱՆԸ

տունը, ու չմտնէ իր տունէն բան մը առնելու. **16** Եւ ան որ արտին մէջ է՝ թող չվերադառնայ իր հանդերձը առնելու: **17** Բայց վայ այդ օրերը յդի եղողներուն ու ծիծ տուողներուն: **18** Աղօթեցէ՛ք՝ որ ծեր փախուստը ձմեռը չըլլայ: **19** Որովհետեւ այդ օրերը այնպիսի՝ տառապանք պիտի ըլլայ, որուն նմանը՝ Աստուծոյ ստեղծած՝ աշխարհի սկիզբէն մինչեւ հիմա եղած չէ, ո՛չ ալ պիտի ըլլայ: **20** Եթէ Տէրը այդ օրերը չկարճեցնէր, ո՛չ մէկ մարմին պիտի փրկուէր. բայց այդ օրերը կարճեցուց ընտրեալներուն համար՝ որ ընտրեց: **21** Այն ատեն եթէ մէկը ըսէ ծեզի. “Ահա՝ հո՞ս է Քրիստոսը», կամ. “Ահա՝ հո՞ն է», մի՛ հաւատաք: **22** Որովհետեւ սուտ քրիստոսներ եւ սուտ մարգարէներ պիտի ելլեն, ու ցոյց պիտի տան նշաններ եւ սքանչելիքներ, որպէսզի եթէ կարելի ըլլայ՝ մոլորեցնեն նոյնիսկ ընտրեալները: **23** Իսկ դուք զգուշացէ՛ք. ահա՝ նախապէս ըսի ծեզի ամէն ինչ»:

## ՄԱՐԴՈՒ ՈՐԴԻԻՆ ԳԱԼՈՒԾԸ

(Մատթ. 24. 29-31: Ղուկ. 21. 25-28)

**24** «Բայց այդ օրերը, այդ տառապանքէն ետք, արեւը պիտի խաւարի եւ լուսինը իր փայլը պիտի չտայ. **25** աստղերը երկինքէն պիտի իյնան, ու երկինքի մէջ եղող գօրութիւնները պիտի սարսին: **26** Այն ատեն պիտի տեսնեն մարդու Որդին, ամպերու մէջ եկած՝ մեծ գօրութեամբ ու փառքով: **27** Այն ատեն պիտի դրկէ իր հրեշտակները եւ պիտի հաւաքէ իր ընտրեալները չորս հովերէն, երկրի ծայրէն մինչեւ երկինքի ծայրը»:

## ԹՁԵՆԻԻՆ ԴԱՍԸ

(Մատթ. 24. 32-35: Ղուկ. 21. 29-33)

**28** «Թզենիէ՛ն սորվեցէք առակ մը. Երբ անոր ոստերը կակուղնան ու տերեւները ցցուին, կը հասկնաք թէ ամառը մօտ է: **29** Դուք ալ՝ երբ եղած տեսնէք աստնք, գիտցէ՛ք թէ մօտ է՝ դռներուն քով: **30** Ճշմարտապէս կը յայտարարեմ ծեզի. “Այս սերունդը պիտի չանցնի, մինչեւ որ այս բոլորը պատահին՝: **31** Երկինք ու երկիր պիտի անցնին, բայց իմ խօսքերս քնա՛ւ պիտի չանցնին»:

## ՈՇ ՄԷԿԸ ԳԻՏԸ ՕՐՆ ՈՒ ԺԱՍԸ

(Մատթ. 24. 36-44)

**32** «Իսկ այդ օրն ու ժամը՝ ո՛չ մէկ մարդ գիտէ, ո՛չ ալ երկինքի մէջ եղող հրեշտակները, ո՛չ իսկ Որդին, հապա՝ միայն Հայրը: **33** Զգուշացէ՛ք, հսկեցէ՛ք եւ աղօթեցէ՛ք, որովհետեւ չէք գիտեր թէ ատենը ե՛րը է: **34** Ինչպէս ճամբորդող մարդ մը կը թողու իր տունը, իրաւասութիւն կու տայ իր նծառաներուն, իրաքանչիրին՝ իր գործը, ու դռնապանին կը հրամայէ որ արթուն կենայ: **35** Ուրեմն արթուն կեցէք, որովհետեւ չէք գիտեր թէ տան տէրը ե՛րը պիտի գայ, իրիկո՞ւնը՝ թէ կէս գիշերին, աքլորականչի՞ն՝ թէ

<sup>Բ</sup> Յուն.՝ արարչութեան

<sup>Գ</sup> Այսինքն՝ դաս

<sup>Դ</sup> Կամ՝ ստրուկներուն

## ՄԱՐԿՈՍԻ ԱՒԵՏԱՐԱՆԸ

առտուն: **36** Թերեւս յանկարծ գալով՝ ձեզ գտնէ քունի մէջ: **37** Եւ ինչ որ կ'ըսեմ ձեզի՝ կ'ըսեմ բոլորին. “Արթո՛ւն կեցէք»:

### ԴԱԻ ՅԻՍՈՒԽԻ ԴԷՄ

(Մատթ. 26. 1-5: Ղուկ. 22. 1-2: Յովհ. 11. 45-53)

## 14

Երկու օր ետք՝ Զատիկ ու Բաղարջակերք էր. Եւ քահանայապետներն ու դպիրները կը փնտռէին թէ ի՞նչպէս վարպետութեամբ բռնեն զայն եւ սպաննեն: **2** Բայց կ'ըսէին. «Ո՛չ տօնին ատենը, որպէսզի ժողովուրդին մէջ աղմուկ չըլլայ»:

### ՅԻՍՈՒԽԻ ՕԾՈՒԽԸ ԲԵԹԱՆԻԱՅԻ ՄԷՋ

(Մատթ. 26. 6-13: Յովհ. 12. 1-8)

**3** Երբ ինք Բեթանիա էր, սեղան նստած՝ բորոտ Սիմոնի տունը, կին մը եկաւ՝ որ ունէր ալապաստրէ շիշ մը, **լեցուած** մեծածախս նարդոսի օծանելիքով. կոտրեց **այդ** շիշը ու թափեց **օծանելիքը** անոր գլուխին վրայ: **4** Ոմանք ընդվզեցան իրենք իրենց մէջ եւ ըսին. «Ինչո՞ւ այդ օծանելիքը վասնուեցաւ. **5** քանի որ ատիկա կրնար ծախուիլ երեք հարիւր դահեկանէն աւելի, ու տրուիլ աղքատներուն». Եւ **սաստիկ** կը սրդողէին իրեն դէմ: **6** Բայց Յիսուս ըսաւ. «Թողուցէ՛ք զայն, ինչո՞ւ կ'անհանգստացնէք զինք. ան լաւ գործ մը ըրաւ ինծի: **7** Որովհետեւ ամէն ատեն ունիք աղքատները ձեզի հետ, ու ե՛րբ ուզէք՝ կրնաք բարիք ընել անոնց. բայց ամէն ատեն չունիք զիս: **8** Ան ըրաւ ի՞նչ որ կրնար. մարմինս նախապէս օծեց՝ իմ թաղումիս համար: **9** Ճշմարտապէս կը յայտարարեմ ձեզի. “Ամբողջ աշխարհի մէջ՝ ո՛ւր որ այս աւետարանը քարոզուի, անոր ըրածն ալ պիտի պատմուի՝ իր յիշատակին համար»:

### ՅՈՒԴԱԿԱՆ ՀԱՍՏԱՅԱՅՆԻ ՅԻՍՈՒԽԸ ՄԱՏՆԵԼ

(Մատթ. 26. 14-16: Ղուկ. 22. 3-6)

**10** Յուդա հսկարիովտացին, տասներկութէն մէկը, գնաց քահանայապետներուն՝ որ զայն մատնէ անոնց: **11** Անոնք ալ լսելով՝ ուրախացան, եւ իրեն դրամ ալ խոստացան: Ուստի կը փնտռէր պատեհութիւն մը՝ որ մատնէր զայն:

### ՅԻՍՈՒԽ ԶԱՏԻԿԱԿ ԿՌԻՏԵ ԱՇԱԿԵՐՏՆԵՐՈՒՆ ՀԵՏ

(Մատթ. 26. 17-25: Ղուկ. 22. 7-14, 21-23: Յովհ. 13. 21-30)

**12** Բաղարջակերքի առաջին օրը, Երբ կը մորթէին զատիկը, անոր աշակերտները ըսին իրեն. «Ո՞ւր կ'ուզես որ երթանք պատրաստենք, որպէսզի ուտես զատիկը»: **13** Իր աշակերտներէն երկութը դրկեց եւ ըսաւ անոնց. «Գացէ՛ք քաղաքը, ու ձեզի պիտի հանդիպի մարդ մը՝ որ **ուսիհ վրայ** կը տանի ջուրի սափոր մը. հետեւցէ՛ք անոր, **14** եւ ո՛ւր որ մտնէ՝ տանտիրոջ ըսէ՛ք. “Վարդապետը կ'ըսէ. “Ո՞ւր է իշեւանը, ուր պիտի ուտեմ զատիկը՝ աշակերտներուս հետ”»: **15** Ան ալ պիտի ցուցնէ ձեզի մեծ վերնայարկ մը՝ կահաւորուած **ու** պատրաստ. հո՞ն պատրաստեցէք մեզի»: **16** Իր աշակերտները գացին, մտան քաղաքը, եւ ինչպէս իրենց ըսաւ՝ **այնպէս** գտան, ու պատրաստեցին զատիկը:

**17** Երբ իրիկուն եղաւ՝ եկաւ տասներկութին հետ: **18** Երբ սեղան նստան եւ կ'ուտէին,

## ՄԱՐԿՈՍԻ ԱԻԵՏԱՐԱՆԸ

Յիսուս ըսաւ. «Ճշմարտապէս կը յայտարարեմ ձեզի թէ ձեզմէ մէկը՝ որ հիմա ինծի հետ կ'ուտէ, պիտի մատնէ զիս»: **19** Անոնք սկսան տրտմիլ ու մէկ առ մէկ ըսել անոր. «Միթէ ե՞ս եմ», եւ ուրիշ մը. «Միթէ ե՞ս եմ»: **20** Ան ալ պատասխանեց անոնց. «Տասներկուքէն ա՛ն՝ որ ինծի հետ թաթխեց **իր ձեռքը** պնակին մէջ: **21** Արդարեւ մարդու Որդին կ'երթայ՝ ինչպէս գրուած է իրեն համար. բայց վայ այն մարդուն, որուն միջոցով կը մատնուի մարդու Որդին: Այդ մարդուն լաւ պիտի ըլլար՝ որ ծնած չըլլար»:

### ՏԵՐՈՉ ԸՆԹՐԻՔԸ

(Մատթ. 26. 26-30: Ղուկ. 22. 14-20: Ա. Կորն. 11. 23-25)

**22** Երբ անոնք կ'ուտէին՝ Յիսուս հաց առաւ, օրհնեց, կտրեց, տուաւ անոնց եւ ըսաւ. «<sup>ա</sup>Առէք, այս է իմ մարմինս»: **23** Նաեւ բաժակը առաւ, շնորհակալ եղաւ ու տուաւ անոնց. բոլորն ալ խմեցին անկէ: **24** Ըսաւ անոնց. «Այս է իմ արիւնս, նոր ուխտին **արիւնը**, որ կը թափուի շատերու համար: **25** Ճշմարտապէս կը յայտարարեմ ձեզի. «Ասկէ ետք որթատունկին բերքէն բնա՛ պիտի չխմեմ մինչեւ այն օրը՝ երբ նոր խմեմ զայն Աստուծոյ թագաւորութեան մէջ»:

### ՅԻՍՈՒՍ ԿԸ ԳՈՒԾԱԿԵ ՊԵՏՐՈՍԻ ՈՒՐԱՅՈՒԸ

(Մատթ. 26. 31-35: Ղուկ. 22. 31-34: Յովհ. 13. 36-38)

**26** Օրհներգելէ ետք՝ գացին Զիթենիներու լեռը: **27** Յիսուս ըսաւ անոնց. «Այս գիշեր բոլորդ ալ պիտի գայթակղիք իմ պատճառովս. որովհետեւ գրուած է. «Հովիլը պիտի զարնեմ, ու ոչխարները պիտի ցրուին»: **28** Բայց յարութիւն առնելէս ետք՝ ձեզմէ առաջ պիտի երթամ Գալիլեա»: **29** Պետրոս ըսաւ անոր. «Թէեւ բոլորն ալ գայթակղին, բն՛ բնա՛ւ»: **30** Յիսուս ըսաւ անոր. «Ճշմարտապէս կը յայտարարեմ քեզի. «Դուն ա՛յսօր, այս գիշեր **իսկ**, դեռ աքաղաղը երկու անգամ չկանչած՝ երեք անգամ պիտի ուրանաս զիս»: **31** **Պետրոս** աւելի կը պնդէր ու կ'ըսէր. «Նոյնիսկ եթէ պէտք ըլլայ որ քեզի հետ մեռնիմ, բնա՛ պիտի չուրանամ քեզ»: Նոյնապէս կ'ըսէին բոլորն ալ:

### ՅԻՍՈՒՍ Կ'ԱՂՋՔԷ ԳԵԹՍԵՄԱՆԻԻ ՄԷՋ

(Մատթ. 26. 36-46: Ղուկ. 22. 39-46)

**32** Եկան վայր մը՝ որուն անունը Գեթսեմանի էր, եւ ըսաւ իր աշակերտներուն. «Հո՞ս նստեցէք՝ մինչեւ որ ես աղօթեմ»: **33** Իրեն հետ առնելով Պետրոսը, Յակոբոսն ու Յովհաննէսը, սկսաւ սաստիկ այլայլի եւ շատ վշտանալ: **34** Հետեւաբար ըսաւ անոնց. «Իմ անս չափազանց տրտում է՝ մեռնելու աստիճան. հո՞ս մնացէք եւ արթո՛ն կեցէք»: **35** Քիչ մը առջեւ երթալով՝ ինկաւ գետին, **իր երեսին վրայ**, եւ աղօթեց, որ եթէ կարելի է՝ այդ ժամը անցնի իրմէ: **36** Ան ըսաւ. «Աբբա՛, Հայր, ամէն բան կարելի է քեզի. հեռացն՝ այս բաժակը ինձմէ: Բայց ո՛չ թէ ինչպէս են կ'ուզեմ, հապա՛ ինչպէս դուն **կ'ուզես**»: **37** Երբ եկաւ ու քնացած գտաւ զանոնք՝ ըսաւ Պետրոսի. «Միմո՞ն, կը քնանա՞ս. չկրցա՞ր ժա՛մ

<sup>ա</sup> **Ումանը**՝ Առէք, կերէք,

<sup>բ</sup> **Յուն.**՝ բայց ո՛չ ես

## ՄԱՐԿՈՍԻ ԱԻԵՏԱՐԱՆԸ

մը արթուն մնալ: **38** Արթո՞ւն մնացէք եւ աղօթեցէք, որպէսզի չմտնէք փորձութեան մէջ. իրաւ **Է թէ** հոգին յօժար է, բայց մարմինը՝ տկար»: **39** Դարձեալ գնաց աղօթեց՝ նոյն խօսքը ըսելով: **40** Ապա վերադարձաւ եւ դարձեալ քնացած գտաւ զանոնք. որովհետեւ անոնց աչքերը ծանրացած էին, ու չէին գիտեր ի՞նչ պատասխանել անոր: **41** Երրորդ անգամ ալ եկաւ եւ ըսաւ անոնց. «Ասկէ ետք քնացէք ու հանգստացէք. բաւական է, ժամը հասաւ, ահա՝ մարդու Որդին պիտի մատնուի մեղաւորներուն ծեռքը: **42** **Ոտքի՝** ելէք՝ երթանք: Ահա՝ մօտեցաւ ա՛ն՝ որ պիտի մատնէ զիս»:

### ՅԻՍՈՒՍԻ ԶԵՐՓԱԿԱԼՈՒԹԻՒՆԸ

(Մատթ. 26. 47-56: Ղուկ. 22. 47-53: Յովհ. 18. 3-12)

**43** Մինչ ան դեռ կը խօսէր, իսկոյն Յուլա՝ տասներկուքն մէկը՝ եկաւ, եւ իրեն հետ՝ քահանայապետներէն, դպիրներէն ու երէցներէն **դրկուած** մեծ բազմութիւն մը, սուրերով եւ բիրերով: **44** Զայն մատնողը նշան մը տուեր էր անոնց՝ ըսելով. «Ո՛վ որ համբուրեմ ա՛ն է, բռնեցէք զայն ու տարէք ապահովութեամբ»: **45** Երբ ինը եկաւ՝ իսկոյն մօտեցաւ անոր եւ ըսաւ. «Ռաբրի՝, Ռաբրի!», ու համբուրեց զայն: **46** Եւ անոնք ձեռք բարձրացուցին անոր վրայ ու բռնեցին զայն: **47** Քովը կայնողներէն մէկը՝ քաշեց սուրը, զարկաւ քահանայապետին ծառային եւ խլեց անոր ականջը: **48** Յիսուս ըսաւ անոնց. «Իբր թէ աւազակի<sup>4</sup> դէմ գեկաց՝ սուրերով ու բիրերով բռնելու զիս: **49** Ամէն օր ձեր քով էի եւ տաճարին մէջ կը սորվեցնէի, ու չբռնեցիք զիս. բայց **այս բոլոր բաները եղան՝** որպէսզի գրուածները իրագործուին»: **50** Բոլոր **աշակերտներն** ալ թողուցին զայն եւ փախան: **51** Երիտասարդ մը անոր կը հետեւէր՝ մերկ **մարմինին** վրայ կտաւ մը առած, սակայն երիտասարդները բռնեցին զայն: **52** Ան ալ ձգեց կտաւը, եւ մերկ փախաւ անոնցմէ:

### ՅԻՍՈՒՍ ՔԱՀԱՆԱՅԱՊԵՏԻՆ ԵՒ ԱՏԵԱՆԻՆ ԱՌՁԵՒ

(Մատթ. 26. 57-68: Ղուկ. 22. 54-55, 63-71: Յովհ. 18. 13-14, 19-24)

**53** Տարին Յիսուսը քահանայապետին, եւ անոր քով համախմբուեցան բոլոր քահանայապետները, երէցներն ու դպիրները: **54** Պետրոս հեռուէն հետեւեցաւ անոր մինչեւ ներսը՝ քահանայապետին գալիթը. նստաւ սպասաւորներուն հետ, ու կը տաքնար կրակին քով: **55** Քահանայապետները եւ ամբողջ ատեանը վկայութիւն կը փնտուէին Յիսուսի դէմ՝ որպէսզի մեղցնեն զայն, ու չէին գտներ. **56** Որովհետեւ շատեր սուս վկայութիւն կու տային անոր դէմ, բայց վկայութիւնները համանման չէին: **57** Ոմանք ալ կանգնեցան եւ սուս վկայութիւն տուին անոր դէմ՝ ըսելով. **58** «Մենք լսեցինք ատկէ՝ որ կ'ըսէր. «Ես պիտի քակեմ այդ ձեռակերտ տաճարը, եւ պիտի կառուցանեմ ուրիշ մը՝ անձեռակերտ՝ երեք օրուան մէջ»»: **59** Բայց այդպէս ալ իրենց վկայութիւնը համանման չէր: **60** Քահանայապետը՝ մէջտեղ կանգնելով՝ հարցուց Յիսուսի. «Ոչի՞նչ կը պատասխանես. ի՞նչ կը վկայեն աստնք քեզի դէմ»: **61** Բայց ան լուր կը կենար ու ոչինչ կը պատասխանէր: Քահանայապետը դարձեալ հարցուց անոր. «Դո՞ւն ես քրիստոսը, օրինեալ **Աստուծոյ Որդին»»: **62** Յիսուս ըսաւ. «Են եմ. եւ պիտի տեսնէք մարդու Որդին՝ բազմած Զօրութեան աջ կողմը, ու եկած երկինքի ամպերով»: **63** Քահանայապետը պատուեց իր հանդերձները եւ ըսաւ. «Ալ ի՞նչ պէտք ունինք վկաներու: **64** Լսեցիք՝ **ատոր****

<sup>4</sup> **Յուլ.**՝ դուրս ելաք

## ՄԱՐԿՈՍԻ ԱՒԵՏԱՐԱՆԸ

հայրութիւնը. ի՞նչ կը թուի ձեզի»: Բոլորը դատապարտեցին զայն՝ թէ մահապարտ է:

**65** Ումանք սկսան թքնել անոր վրայ, ծածկել անոր երեսը, կոփահարել զայն եւ ըսել անոր. «Մարգարէացի՛ր»: Իսկ սպասաւորները ապտակ կը զարնէին անոր:

### ՊԵՏՐՈՍ ԿՈՒՐԱՆԱՅ ՅԻՍՈՒԾ

(Մատթ. 26. 69-75: Ղուկ. 22. 56-62: Յովհ. 18. 15-18, 25-27)

**66** Պետրոս վարը՝ գալիքն էր: Քահանայապետին աղախիններէն մէկը եկաւ, **67** ու տեսնելով Պետրոսը՝ որ կը տաքնար, նայեցաւ անոր եւ ըսաւ. «Դո՛ւն ալ Յիսուս Նազովեցիին հետ էիր»: **68** Բայց ան ուրացաւ՝ ըսելով. «Չեմ գիտեր, ու չեմ հասկնար թէ ի՞նչ կը խօսիս»: Երբ դուրս ելաւ՝ նախագալիթը, աքաղաղը կանչեց: **69** Աղախինը դարձեալ տեսաւ զայն, եւ սկսաւ ըսել շուրջը կայնողներուն. «Ասիկա՛ ալ անոնցմէ է»: **70** Ան ալ դարձեալ ուրացաւ: Թիշ մը ատենէն ետք՝ դարձեալ շուրջը կայնողները ըսին Պետրոսի. «Ճշմարտապէս դուն անոնցմէ՛ ես, որովհետեւ Գալիլեացի ես, եւ խօսուածքդ ալ կը նմանի»: **71** Բայց ան սկսաւ նզովել ու երդում ընել՝ ըսելով. «Չեմ ճանչնար այդ մարդը՝ որուն մասին կը խօսիք»: **72** Իսկոյն երկրորդ անգամ աքաղաղը կանչեց: Պետրոս յիշեց այն խօսքը՝ որ Յիսուսը ըսեր էր իրեն. «Դեռ աքաղաղը երկու անգամ չկանչած՝ դուն երեք անգամ պիտի ուրանաս զիս»: Եւ սկսաւ լալ:

### ՅԻՍՈՒՍ ՊԻՂԱՏՈՍԻ ԱՌՋԵՒ

(Մատթ. 27. 1-2, 11-14: Ղուկ. 23. 1-5: Յովհ. 18. 28-38)

## 15

Առտուն՝ իսկոյն քահանայապետները, երէցներուն ու դպիններուն հետ, նաեւ ամբողջ ատեանը՝ խորհրդակցեցան, կապեցին Յիսուսը ու տարին մատնեցին Պիղատոսի: **2** Պիղատոս հարցուց անոր. «Դո՞ւն ես Հրեաներուն թագաւորը»: Ան ալ պատասխանեց անոր. «Դո՞ւն կ'ըսես»: **3** Իսկ քահանայապետները կ'ամբաստանէին զինք շատ բաներով: **4** Պիղատոս դարձեալ հարցուց անոր. «Ոչի՞նչ կը պատասխանես. նայէ՛, ո՛քան կը վկայեն քեզի դէմ»: **5** Յիսուս տակալին ոչինչ կը պատասխանէր, այնպէս որ Պիղատոս գարմացաւ:

### ՅԻՍՈՒՍ ԿԸ ԴԱՏԱՊԱՐՏՈՒԻ ՄԱՀՈՒԱՆ

(Մատթ. 27. 15-26: Ղուկ. 23. 13-25: Յովհ. 18. 39-19. 16)

**6** Տօնին ատենը բանտարկեալ մը կ'արձակէր անոնց, ո՛վ որ ուզէին: **7** **ՄԷԿԸ** կար՝ Բարաբբա կոչուած, կապուած իրեն հետ ապստամբողներուն հետ, որոնք մարդասպանութիւն գործած էին ապստամբութեան ատեն: **8** Բազմութիւնը՝ գոռալով՝ սկսաւ խնդրել, **որ ըԱՅ՝** ինչպէս միշտ կ'ընէր իրենց: **9** Պիղատոս պատասխանեց անոնց. «Կ'ուզէ՛ք որ արձակեմ ձեզի Հրեաներուն թագաւորը»: **10** Որովհետեւ գիտէր թէ քահանայապետները նախանձի՛ համար մատնած էին զայն: **11** Բայց քահանայապետները գրգռեցին բազմութիւնը՝ որ ան փոխարէնը Բարաբբան արձակէ իրենց: **12** Դարձեալ Պիղատոս ըսաւ անոնց. «Հապա ի՞նչ կ'ուզէ՛ք որ ընեմ անոր՝ որ կը կոչէք Հրեաներուն թագաւորը»: **13** Անոնք դարձեալ աղաղակեցին. «Խաչէ՛ զայն»: **14** Պիղատոս ըսաւ անոնց. «Բայց ի՞նչ չարիք ըրած է»: Անոնք ալ աւելի կ'աղաղակէին. «Խաչէ՛ զայն»: **15** Պիղատոս ալ՝ փափաքելով գոհացնել բազմութիւնը՝ Բարաբբան արձակեց անոնց, ու

## ՄԱՐԿՈՍԻ ԱԻԵՏԱՐԱՆԸ

Խարազանելով Յիսուսը՝ յանձնեց անոնց որպէսզի խաչուէր:

### ԶԻՆՈՒՈՐՆԵՐԸ ԿԸ ԾԱՂՐԵՆ ՅԻՍՈՒԸ

(Մատթ. 27. 27-31: Յովհ. 19. 2-3)

**16** Զինուորները ներս տարին զայն՝ գալիթը, այսինքն՝ **Կառավարիչին** պալատը, եւ հաւաքեցին ամբողջ գունդը: **17** Ծիրանի հագուցին անոր, ու հիւսելով փուշէ պսակ մը՝ դրին անոր գլուխը. **18** Եւ սկսան բարեւել զայն **ու ըսել**. «Ողջո՞յն, Հրեաներո՛ւ թագաւոր»: **19** Եղէգով կը զարնէին անոր գլուխին, կը թքնէին անոր վրայ, եւ ծնրադրելով՝ կ'երկրպագէին անոր: **20** Երբ ծաղրեցին զայն, հանեցին վրայէն ծիրանին, հագուցին անոր իր հանդերձները, ու դուրս տարին զայն՝ որպէսզի խաչեն:

### ՅԻՍՈՒԸ ԿԸ ԳԱՍՈՒԻ ԽԱՉԻՆ ՎՐԱՅ

(Մատթ. 27. 32-44: Ղուկ. 23. 26-43: Յովհ. 19. 17-27)

**21** Ստիպեցին մէկը՝ Սիմոն Կիւրենացին, Աղեքսանդրոսի ու Ռուփոսի հայրը, որ ատկէ կ'անցնէր՝ արտէն գալով, որպէսզի վերցնէ անոր խաչը: **22** Եւ տարին զայն Գողգոթա **կոչուած** տեղը, (որ կը թարգմանուի՝ Գանկի տեղ,) **23** ու տուին անոր զմուռսով խառնուած գինի՝ որ խմէ. բայց ինք չառաւ: **24** Երբ խաչեցին զայն, բաժնեցին անոր հանդերձները՝ վիճակ ձգելով անոնց վրայ, թէ ո՞վ՝ ի՞նչ պիտի առնէ: **25** “Երրորդ ժամն” էր՝ երբ խաչեցին զայն: **26** Անոր ամբաստանագիրին վրայ գրուած էր. «Հրեաներուն թագաւորը»: **27** Երկու աւազակներ ալ խաչեցին անոր հետ, մէկը՝ անոր աջ կողմը, ու միւսը՝ ձախ կողմը: **28** Այսպէս իրագործուեցաւ գրուածը՝ որ կ’ըսէ. «Անօրէններու հետ սեպուեցաւ»: **29** Անոնք որ կ’անցնէին՝ կը հայրոյէին անոր, կը շարժէին իրենց գլուխը եւ կ’ըսէին. «Աւաղ, որ կը քակէիր տաճարը, ու կը կառուցանէիր երեք օրուան մէջ. **30** Վրկէ՛ դուն քեզ եւ իշի՛ խաչէն»: **31** Նմանապէս քահանայապետներն ալ՝ դպիրներուն հետ՝ իրենց մէջ ծաղրելով կ’ըսէին. «Ուրիշները վրկեց, ինքզի՞նք չի կրնար վրկել: **32** Այդ քրիստոսը՝ հսրայէլի թագաւորը՝ հիմա թող իշնէ խաչէն, որպէսզի տեսնենք ու հաւատանք»: Իրեն հետ խաչուածներն ալ կը նախատէին զայն:

### ՅԻՍՈՒԸ ՄԱՆ

(Մատթ. 27. 45-56: Ղուկ. 23. 44-49: Յովհ. 19. 28-30)

**33** Երբ վեցերորդ ժամը հասաւ՝ խաւար եղաւ ամբողջ երկրին վրայ, մինչեւ իններորդ ժամը: **34** Իններորդ ժամուն՝ Յիսուս բարձրածայն գոշեց. «Էլոհի՛, Էլոհի՛, լամա՞սաբթանի», որ կը թարգմանուի. «Իմ Աստուածս, իմ Աստուածս, ինչո՞ւ լքեցիր զիս»: **35** Քովը կայնողներէն ումանք, երբ լսեցին՝ ըսին. «Եղիան կը կանչէ»: **36** Ու մէկը վազեց, լեցուց սպունգ մը քացախով, անցուց եղէգի մը եւ տուաւ անոր որ խմէ՝ ըսելով. «Թողուցէ՛ք, տեսնենք թէ Եղիա պիտի գա՞յ՝ իշեցնելու զայն»:

**37** Յիսուս բարձր ծայն մը արձակեց ու հոգին տուաւ: **38** Տաճարին վարագոյրը երկուքի պատուեցաւ՝ վերէն վար: **39** Հարիւրապետը՝ որ կեցած էր անոր դիմաց, տեսնելով որ այսպէս աղաղակելով հոգին տուաւ՝ ըսաւ. «Ճշմարտապէս այս մարդը Աստուծոյ Որդին

<sup>ա</sup> **Այսինքն** Առտուան ժամը ինը

## ՄԱՐԿՈՍԻ ԱԻԵՏԱՐԱՆԸ

Էր»: **40** Կիներ ալ կային, որոնք հեռուէն կը նայէին: Անոնց մէջ էին Մարիամ Մագդաղենացին, Կրտսեր Յակոբոսի ու Յովանէսի մայրը՝ Մարիամ, եւ Սողովմէ, **41** որոնք՝ երբ Յիսուս Գալիլեա էր՝ հետեւեր ու սպասարկեր էին անոր: Ուրիշ շատ կիներ ալ կային՝ որոնք անոր հետ ելած էին Երուսաղէմ:

### ՅԻՍՈՒԻ ԹԱՐՈՒՄԸ

(Մատթ. 27. 57-61: Ղուկ. 23. 50-56: Յովհ. 19. 38-42)

**42** Երբ արդէն իրիկուն եղաւ, քանի որ **այդ օրը** Ուրբաթ էր, այսինքն՝ Շաբաթին նախորդ օրը, **43** Յովսէփի Արիմաթեացին, մեծայարգ խորհրդական մը՝ որ ինք ալ կը սպասէր Աստուծոյ թագաւորութեան, եկաւ ու յանդգնութեամբ մտաւ Պիղատոսի քով, եւ խնդրեց Յիսուսի մարմինը: **44** Պիղատոս զարմացաւ որ արդէն մեռած է: Կանչելով հարիւրապետը՝ հարցուց անոր թէ շատոնց մեռած է: **45** Ու երբ ստոյգը գիտցաւ հարիւրապետէն, պարգեւեց մարմինը Յովսէփի: **46** **Յովսէփի** կտաւ գնեց, եւ իշեցնելով զայն՝ փաթթեց կտաւով, դրաւ գերեզմանի մը մէջ՝ որ փորուած էր ժայռի մէջ, ու քար մը գլորեց գերեզմանին դուռը: **47** Մարիամ Մագդաղենացին, եւ Յովսէփի մայրը՝ Մարիամ, կը նայէին թէ ուր կը դնէին զայն:

### ՅԻՍՈՒԻ ՅԱՐՈՒԹԻՒՆԸ

(Մատթ. 28. 1-8: Ղուկ. 24. 1-12: Յովհ. 20. 1-10)

## 16

Երբ Շաբաթը անցաւ, Մարիամ Մագդաղենացին, Յակոբոսի **մայրը**՝ Մարիամ, ու Սողովմէ բոյրեր գնեցին, որպէսզի երթան եւ օծեն զայն: **2** Մէկշաբթի առտուն՝ շատ կանուխ, երբ արեւը կը ծագէր, գացին գերեզմանը, **3** ու կ'ըսէին իրարու. «Մեզի համար ո՞վ պիտի գլորէ քարը՝ գերեզմանին դռնէն», **4** որովհետեւ շատ մեծ էր: Բայց նայելով՝ տեսան թէ քարը գլորուած էր: **5** Մտնելով գերեզմանէն ներս՝ տեսան երիտասարդ մը, որ նստած էր աջ կողմը՝ ճերմակ պարեգօտ հագած, եւ զարհութեցան: **6** Ան ալ ըսաւ անոնց. «Մի՛ զարհուրիք. Յիսուս Նազովրեցի՛ն կը փնտոէք՝ որ խաչուեցաւ: Ան յարութի՛ն առաւ, հոս չէ: Ահա՛ այն տեղը՝ ուր դրին զայն: **7** Ուրեմն գացէ՛ք, ըսէ՛ք անոր աշակերտներուն ու Պետրոսի՝ թէ **ահա՛** ձեզմէ առաջ կ'երթայ Գալիլեա. հո՛ն պիտի տեսնէք զայն՝ ինչպէս ըսաւ ձեզի»: **8** Անոնք՝ դողով եւ հիացումով համակուած՝ “դուրս ելան” ու փախան գերեզմանէն, եւ ո՛չ մէկ բան ըսին ոեւէ մէկուն, քանի որ կը վախնային:

### ՅԻՍՈՒՍ Կ'ԵՐԵՒՆԱՅ ՄԱՐԻԱՄ ՄԱԳԴԱՂԵՆՅԻՒՆ

(Մատթ. 28. 9-10: Յովհ. 20. 11-18)

**9** **Յիսուս**՝ Մէկշաբթի առտուն յարութիւն առած՝ նախ երեւցաւ Մարիամ Մագդաղենացիին, որմէ հաներ էր եօթը դեւ: **10** Ինք ալ գնաց եւ պատմեց անոնց՝ որոնք անոր հետ էին, մինչ կը սպային ու կու լային: **11** Իսկ երբ անոնք լսեցին թէ ան ողջ է եւ ինք տեսած է զայն, չհաւատացին:

<sup>ա</sup> **Ոմանք**՝ շուտով դուրս ելան

## ՄԱՐԿՈՍԻ ԱԻԵՏԱՐԱՆԸ

### ՅԻՍՈՒՍ Կ'ԵՐԵՒՆԱՅ ԵՐԿՈՒ ԱՇԱԿԵՐՏՆԵՐՈՒ

(Ղուկ. 24. 13-35)

**12** Յետոյ ուրիշ կերպարանքով երեւցաւ անոնցմէ երկուքին՝ որոնք քալելով արտը կ'երթային: **13** Իրենք ալ գացին ու պատմեցին միւսներուն. բայց իրենց ալ չհաւատացին:

### ՅԻՍՈՒՍ Կ'ԵՐԵՒՆԱՅ ՏԱՍՆՄԵԿԻՆ

(Մատթ. 28. 16-20: Ղուկ. 24. 36-49: Յովհ. 20. 19-23: Գործ. 1. 6-8)

**14** Յետոյ երեւցաւ տասնմէկին՝ երբ սեղան նստած էին, ու կշտամբեց անոնց անհաւատութիւնը եւ սիրտի կարծրութիւնը, որովհետեւ չհաւատացին անոնց՝ որոնց ինք երեւցաւ՝ մեռելներէն յարութիւն առած:

**15** Նաեւ ըստ անոնց. «Գացէ՛ք ամբողջ աշխարհը, ու քարոզեցէ՛ք աւետարանը բոլոր արարածներուն: **16** Ա՛ն որ հաւատայ եւ մկրտուի՝ պիտի փրկուի. ա՛ն որ չհաւատայ՝ պիտի դատապարտուի: **17** Սա՛ նշանները պիտի հետեւին անոնց՝ որ կը հաւատան.՝ դեւե՛ր դուրս պիտի հանեն իմ անունովս, նո՛ր լեզուներ պիտի խօսին, **18** օձե՛ր պիտի առնեն **իրենց ձեռքերուն մէջ**, ու եթէ խմեն մահառիթ **դեղ մը**՝ պիտի չվնասէ իրենց. ձեռք պիտի դնեն հիւանդներու վրայ, եւ անոնք պիտի առողջանան»:

### ՅԻՍՈՒՍԻ ՀԱՄԲԱՐՁՈՒՄԸ

(Ղուկ. 24. 50-53: Գործ. 1. 9-11)

**19** Այսպէս՝ անոնց հետ խօսելէն ետք՝ **Տէրը** համբարձաւ երկինք, ու բազմեցաւ Աստուծոյ աջ կողմը. **20** իսկ անոնք գացին եւ կը քարոզէին ամէնուրեք: **Տէրը** **անոնց** գործակից էր, ու կը հաստատէր խօսքը՝ ընկերացող նշաններով: Ամէն: